

ԱՂԳԱՅԻՆ ՄԱՏԵՆԱԳԵՐԸՆ

ԹԵՂ.

ՀԱՅ ԺՈՂՈՎՐԳԱԿԱՆ

ԳԻՒՅԱԶՆԱԿԱՆ ՎԷՊՐ

ՀԱՆԳԻՆԸ

ԲՆԱԿԱՆՍԻՆԹԵՆԱԿԻ ԳՐԵՑ

ԲԱԳՐԱՏ ԽԱԼԱԹԵԱՆՅ



Վ Ի Ն Ն Ն Ն

Մ Ի Ի Թ Ե Բ Ե Ա Ն Տ Պ Ե Բ Ա Ն

1903.

ՀԵՅ ԺՈՂՈՎՐԴԱԿԱՆ ԳԻՒՑՆԵՆԿԱՆ ՎԵՊԸ

ԱԶԳԱՅԻՆ ՄԱՏԵՆԱԳԱՐԱՆ

ԼԻՍ

ՀԱՅ ԺՈՂՈՎՐԳԱԿԱՆ

ԳԻՒՑԱԶՆԱԿԱՆ ՎԷՊԸ



Վ Ի Ե Ն Ն Ա

Մ Ի Ի Թ Ա Ր Ե Ա Ն Տ Պ Ա Ր Ա Ն

1903.

89199.09

Խ-17

ՀԱՅԿԱՍՏԱՆԻ ԳՐԱԳՐԱԿԱՆ ԵՎ ԳՐԱԳՐԱԿԱՆ ԿՈՄԻՏԵ

Հրատ.

ՀԱՅ ԺՈՂՈՎՐԳԱԿԱՆ

398.22

ԳԻՒՅՈՋՆԱԿԱՆ ՎԷՊԸ

ՀԱՆԳԵՐԸ

ՔՆՆԱԳԱՏՈՒԹԵԱՄԲ ԳՐԵՑ

ԲԱԳՐԱՏ ԽԱԼԱԹԵԱՆՑ



ՎԵՆՆԵԱ

ՄԻԻԹԱՐԵԱՆ ՏՊԱՐԱՆ

1903.

A II
30292

Ն3-012



ՀԱՏԻԿ ԽԱՊՈՅԷՆՑ

Զ Ա Տ Ի Կ Խ Ա Պ Ո Յ Է Ն Յ

Խաղաղէնց տնից ԶԱՏԻԿԸ մօտ 50 տարեկան, միջակ հասակի տղամարդ է, բուրբոզին առոյգ գէմքով, լայն կրծքով եւ կտր երեսով, ծածկուած սեւ կոշտ մազերով. արձուի քիթը տալիս է նորան վնասման եւ համարձակ արտայայտութիւն: Նորս հայրենիքն է Մոկս գաւառի Գինեկանց գիւղը. գլխաւոր պարսպմունքն է եղել դաշտային աշխատանք եւ կտաւագործութիւն: Դաւթի եւ Մհերի գրոյցն եւ այլ աւանդութիւններ նա լսել է 15 տարեկան հասակում նոյն գիւղի բնակիչ Գրիգորից, որ իբրեւ «ասող» յոշակուած էր ամբողջ գաւառում: Զատիկը քսան տարեկան հասակից կրել է երկարամեայ պանդխտութիւն, երեք անգամ քախտ որոնելով Պոլսում, որտեղ նա անց է կացրել նախ 3, ապա 2 եւ վերջապէս ամբողջ 8 տարի, քանելով շքադացում: Վերջին 4 տարին նա անց է կացրել իւր հայրենի գիւղում, որտեղից ապա 1898ին եկաւ Էջմիածին. այստեղ նոյն թուին մնաց գրի առանք նորանից մեր «Թըւօր Դաւիթը եւ Մհերը», որ մեր ժողովածուի մէջ ընդարձակագոյնն եւ գեղեցկագոյնն է հանդիսանում. գրոյցս կրկնել տւած ենք երեք անգամ, եւ երեք անգամ էլ Զատիկը պատմել է գրեթէ բառացի, սրանց որեւէ փոփոխութիւնների:

1. ՈՂՈՐՄԻՆ.

Maestoso.

Դա առ նայ ամ զո զոր

մին ար յը տամ Մեկ քսեթ քա հա նին

Դա առ նայ ամ զո զոր մին ար

յը տամ քայ Սա նա սա բին.

2 ՄՍՐԱՄԵԼԻՔԻ ԵՐԿԸ.

Maestoso.

Տըն ցու ու ջի իմ

խա զար խինդ խա զա ար խա մար

նո բա լիկ մա նուկ:

Յ Ա Ռ Ա Ջ Ա Բ Ա Ն

Հայ գիւցազնական վէպը կոչուած է Վա-
նայ ծովի արեւմտեան ափերին, իրրեւ կարկա-
չահոս սրընթաց գետակ բղխում այն երկրի
լեռներից, որ ժողովրդի բերանում Ս-----ն անունն
է կրում: Տեղի բնական պայմաններն, ինչպէս՝
բարձրագագաթ անմատոյց լեռները, որ փակուած
են նորան չորս կողմից, անհասար գետինը՝
տեղ տեղ ծածկած խիտ անտառներով, պա-
տառած մթին ձորերով, վերջապէս՝ քրդերի
անհանգիստ հարեւանութիւնը պիտի դարեր ի
վեր կրթէին եւ սնուցանէին այս լեռնականաց մէջ
քաջարի, կտրիճ ոգին, որ այժմս էլ կենդանի
է ամէն մի պատանի Սասունցու մէջ, որի երեւա-
կայութիւնն զեռ վառ է պահում նախնեաց
հերոսագործութեանց յիշատակը: Ահա՛ թէ
ինչպէս է նկարագրում մեր ժ. դարի պատմա-
գիր Թովմաս Արծրունին Խութի՝ Սասունին կից
լեռնագաւառի՝ բնակիչների կիսալայրենի բարբը.¹
«... բնակութիւն նոցա ի խորածորս եւ ի փա-

¹ Խութի հնուն պատկանում էր Տուրուբերանին,
իսկ Ս-----ն՝ Աղմեաց գաւառին:

պարս (քարանձաւ) լերանց եւ ի պրակս մայրեաց, ի գագաթունս լերանց: Եւ բնակեն առանձին ըստ տունս ազգաց, եւ այնչափ ի բացեայ են ի միմեանց՝ մինչ թէ որ յարանց զօրաւորաց ի բարձրաբերձ տեղեաց ուժ գին խանչիցէ՝ հազիւ թէ ուրեք կարիցէ առնուլ զբոմբին ձայնին, իբրեւ ի վիմաց ինչ արձագան լինելոյ կարծիս բերելով, եւ կէսքն վրիպեալք ի բնական հայրենի լեզուէն, յաղազս հեռարնակ լինելոյ եւ անհամբոյրք միմեանց հանդիպեալք, եւ խօսս միմեանց եղեալ կարկատուն մութացածի բանիւք: Եւ այնքան խրթնի անձանօթք պատահեն առ միմեանս, մինչեւ թարգմանաց անգամ կարօտանան. եւ զպէտս կերակրոցն վճարեն ի սերմանց ինչ, առաւել ի կօրեակ կոչեցեալ սերմանէն, զոր ոմանք ի սով ժամանակի հաց անուանեն. եւ զնոցն ոռոգեալ ոտիւք ի միջոցս պրակացն, կամ երկմտանի փայտատովք սերմանեալ. եւ է զգեստ նոցա ասուիս (բուրգ) ի ծածկոյթ մերկութեանն, եւ օդ սփոց հնարաւորեն զձեւ կոչկաց, ի մորթոց այծից կաղմեալ, եւ միով կերակրով եւ միով հանդերձիւ բաւականան զամսոն եւ զձմեռն. եւ են ստացեալ զէնս աշտեայս (նիզակ) հանապազ կրելով ընդ ինքեանս, ի պատրաստութիւն գազանացն որք ի լերինն բնակեն:

Վսլ եւ ի ժամանակս հասելոց թշնամեաց յերկիրն իւրեանց՝ գան միաբան լեռնայինքն յօգնութիւն իշխանացն, զի են արասէրք: Իսկ վասն ձեանն անկայուն զօրութեանն

որ այն ինչ յամպոցն ի վայր զեղեալ լինին՝
 Հնարաւորեալ իւրեանց փայտս իրրեւ զանուրս
 չուանօր պարունակեալ շուրջ զոտամբք, գիւրաւ
 ընթանան ի վերայ ձեանն իրրեւ ընդ ցամաք
 երկիր: Եւ են գաղանաբարոյք, արիւնարբուք,
 առ ոչինչ համարելով զսպանումն եղբարց հա-
 րազատաց, նաեւ զանձանց եւս, եւ կոչին սոքա
 մեկնակազէնք սուրհանդակք, բնակեալք ի լե-
 րինն, որ բաժանէ ընդ Աղձնիս եւ ընդ Տարօն: ...
 Սոքա են գոեա՛հք Ասորոց, որ չուեցին զկնի
 Ագրամելայ եւ Սանասարայ որդւոյ Սենեքերիմ՝
 արքայի թագաւորի Ասորեստանի եւ Նինուէի,
 յորոյ անուն ինքեանք Սանասնայք զինքեանս
 անուանեն. եւ են հիւրասէրք, օտարընկալք,
 պատուազիրք:»¹

Զարմանալի չէ, որ այս լեռնականների
 բերանում շարունակ դարեր կենդանի են մնա-
 ցել տեղական իշխանների, նոցա այլազգեաց
 դէմ միշտ պատերազմների մասին աւանդու-
 թիւներ, որոնք ցարդ գեո թարմ պահպանուել
 են Մուշի եւ Վանայ գաւառներում: Այս
 զրոյցների միջավայրն է կազմում «Սասուն քա-
 ղաքը», որտեղ է կեդրոնացած նորա քաջերի
 զորունեութիւնը: Եթէ ճիշդ է մեր պատմա-
 գրի անձնական դիտողութիւնն, այս անունն՝
 ազգագրական տեսակէտից՝ տարածւում էր եւ
 Խոյթի բնակիչների վերայ:

¹ Թովմայի Աւարգապետի Արժրոււոյ պատմութիւն
 տանն Արժրոււեաց. Պետերբուրգ 1887, Գլուխ Է. էջ
 120—121:

Նախ քան այս դիւցազնական զրոյցների բովանդակութիւնն առաջ բերելը, աւելորդ չեմ համարում պարզել՝ ա. նոցա աւանդման Դ-Յ-Ն-Ն-Ե-Ե-Ե հայ ժողովրդի մէջ. բ. նոցա Դ-Յ-Ն-Ն-Ե-Ե-Ե (տեսնիքական) կողմն եւ վերջապէս՝ գ. նոցա Դ-Յ-Ն-Ն-Ե-Ե մշակման նշանակութիւնն։*

Ա. «Դ-Յ-Ն-Ն-Ե-Ե-Ե»:

Վերջացնելով դաշտային պարագմունքները, հայ գիւղացին սիրում է ձմեռային երկար երեկոնները կարճացընել հեքեաթներ, երգեր, առակներ ասելով, որ կաղմում են նորա միակ հոգեկան զուարճութիւնը: Քայց նորա ամենասիրելի նիւթն է՝ դիւցազնական զրոյցները, որ նա խստիւ տարբերում է շինչ-հեքեաթից, նոցանում պտրելով Ե-Յ-Ե-Ն-Ն-Ե: Խմբուելով «ասողի» շուրջը տաք խեղդաշունչ «օղայում», որ միայն բարակ ցանկապատով է բաժանւած անասուններից, թէ մեծը եւ թէ փոքրը, բաց ի կանանցից, ուշադրութեամբ ականջ են դնում

* Հայ գիւցազնական զրոյցների հաւարման առաջին փորձը պատկանում է արժանախիշատակ Կպիսկ. Արուսեակեանցին, որ 1874 թ. ընդ այնչ իւր գրի առած «Գաւթի Սասունցի» 1889 թ. իրրեւ երկրորդ փորձ, հանդէս եկաւ Մ. Արեշեանի «Գաւթի եւ Մհերը» իսկ 1892 թ. հայ բանասէրները ծանօթացան Գարեգին Սարկուսի «Սասնայ ծառեր» երկու նոր վարիանտների հետ: Վերջապէս 1899 թ. գիտական ուղեւորութեան ժամանակ Մուսկուսի կայս. Ազգ. բնկ. կողմից Կրեանեան նահանգում գրի եմ առած մտա 12 վարիանտներ, որոնցից ընդարձակագոյնը հրատարակած եմ Կնիփաճնում 1890 թ. «Թուրք Գաւթի եւ Մհեր» վերնագրով:

Հնութեան հերոսների «նաղըններին»: Գրեթէ ամէն մի գիւղ մեզանում ունի իւր «ասողը», որ երբեմն հռչակում է ամբողջ գաւառում. սոքա ոչ թէ արհեստով աւանդապահ պատմողներ են, այլ սովորական գիւղացիներ՝ երկրագործներ, դարբիններ, գիւղական սափրիչներ եւ այլն, որ լսել են այս այն զրոյցը «հօրից», «պապից», «այս ինչ գիւղի յայտնի ասողից», «օտարութեան մէջ» եւ այլն: Զրուցողը ինքն, կատարելով իւր պատուաւոր դերը, այս աւանդման մէջ զուարճալի բոպէներ է պտրում. բնական է ուստի, եթէ նա աշխատում է երբեմն զարգարել իւր զրոյցը նոր նոր մանրամասնութիւններով եւ կամ զանազան գիւցազնական վէպերից մի ամբողջութիւն կազմել:

Այս դիպողական պատմողներին չպէտք է ի հարկէ շիտթել «աշուղներին» հետ, որոնց արհեստն է կազմում հեքեաթը եւ երգը. իրանց եօթնալար «սազի» հետ նոքա շրջում են քաղաքէ քաղաք, գիւղէ գիւղ ապրուստ հայթայթելու. նոքա միշտ սիրելի հիւրեր են հարուստ մարդկանց տներում, որտեղ մնում են ամբողջ օրեր: Մեծ տօներին այն գիւղում, որ իրրեւ սրբաՎայր է համարւում եւ որտեղ է կուտակւում զանազան տեղերից ժողովրդի խուռն բազմութիւնը, աշուղները մրցում են միմեանց հետ անելու եւ դժար հանելուկներ լուծելու մէջ. յաղթուածը տալիս է իւր «չլ յաղթողին»: Աինելով «աշխարհ ման եկողներ», նոքա վայելում են ժողովրդի համակրանքը. սոքա

Հեռաւոր գիւղերի եւ գաւառների կենդանի
 հանգոյցներից մէկն են, որ իրանց Հեա բերում
 են մի որ եւ է նոր երգ, առակ, հեքեաթ եւ
 այլն, եւ կարճ միջոցում տարածում ամբողջ
 նահանգում: Հնուց ի վեր գուսանները պա-
 տուազոյն դեր են խաղացել ամէն մի ազգի
 մէջ, լինելով ժողովրդի հոգեւոր կեանքի, նորա
 աշխարհայեցողութեան բանաստեղծական ար-
 տայատիչները: Հայ աշուղների ծրագիրը բաղ-
 կացած է սովորաբար, բաց ի ժողովրդական եր-
 գերից, գիւցաղնական հեքեաթներից («Քեռ-
 Օղլի», «Շահ Իսմայիլ», «Շահ Արաս», «Արա-
 բի-զանգի»), եւ սիրահարական երգարանու-
 թիւններից («Գահար Միրզայ», «Քեարամի» եւ
 այլն), որ տաճկերէն են աւանդում:

Այսպիսով ուրեմն, ինչպէս տեսանք, Հայ
 գիւցաղնական վէպը ամբողջապէս յանձնուած
 է այս այն գիւղացու պատահական հետաքրքրու-
 թեանը, որ տարւայ միայն որոշ ժամանակ ազատ
 միջոց է գտնում հնու թեան զրոյցները իւր յի-
 շողութեան մէջ կենդանացրնելու:

Բ. Գիւց-ղն-իւն ---ն-ը---իւ-ն-ը---իւ-ն-ը---

Արդէն ասածից պարզ է, ինչո՞ւ մեր գիւց-
 աղնական զրոյցները ըստ մեծ մասին կորցրած
 են իրանց վիպական բնաւորութիւնն եւ սովո-
 բական հեքեաթային ձեւ ընդունել. նոյնն է
 այստեղ պատմելու եղանակն, որ յատուկ է
 արեւելեան առասպելներին, առակներին եւ այլն
 սովորական «կար չկարը» բաց է անում զրոյցի

Թեև, գլխաւոր մասերի կապը թոյլ է, պատմութիւնն անկենդան եւ միանուագ, լեզուն բազմախօս: Միայն տեղ տեղ փայլում են տեսարաններ, որոնք իրանց գրամատիկական զօրութեամբ զգացուցանել են տալիս, թէ մենք այստեղ ժողովրդի աւելի բարձր ստեղծական ոգու հետ գործ ունենք:

Բացի այս հեքեաթաձեւ վարիանտներից ժողովրդի մէջ պտըտում են եւ այնպիսիները, որոնք պահպանել են դիւցազնական վիպասանութեանց չափը եւ ձեւը, անգամ նոցանում մեզ հասել են էրէբէր, որ ասողը երգում է տխուր-մելամաղձ ձայնով: Այս թանկագին վարիանտներն աչքի են խփում իրանց գեղարուեստական մշակմամբ եւ բոլոր մասերի գեղեցիկ ներդաշնակութեամբ, որ նոցա պատուագոյն տեղն են տալիս ժողովրդի հոգեւոր արգասեաց շարքում:

Սկսւում են սոքա սովորական նախերգով, որի մէջ յիշատակւում է հերոսների մի ամբողջ ազգատոհմ՝

Դառնամ զողորմին տամ Մելքսեթ քահանին,

Դառնամ զողորմին տամ Սանասարին,

Դառնամ զողորմին տամ Բաղդասարին

Դառնամ զողորմին տամ Մհերին

Դառնամ զողորմին տամ Թըրւան Դաւթին եւ այլն. մինչեւ տոհմի վերջին հերոս փոքր Մհերը. «ողորմին» կրկնւում է ամէն մի զոյցի սկզբում, որ այս այն դիւցազնի գործունէութեանն է նուիրւած:

Նախերգին անմիջապէս հետեւում է զրոյցը, որ սահմանափակուած է կարճ, կարծես թէ չափաւոր նախադասութիւններով, այնպէս որ իւրաքանչիւր տողում լրանում է մի միայն. այս պատճառով պատմութիւնն ինքն լստ ինքեան ոտանաւորի ձեւ է ընդունում, մի քանի տեղերում լսելի է անգամ չափը, որի շնորհիւ պահպանուել են աւանդութեանց լաւագոյն կտորները: Ինչու պատահական չեն երգերը, որոնք սոցանում հանդէս են գալիս. նոքա արտայայտում են մերթ աղօթք, մերթ խնդիր, մերթ յուսահատութիւն կամ զարմանք, միով բանի՝ հերոսի կամ հերոսուհու հոգեկան դրութիւնն: Ասողը սիրով կանգ է առնում զիւցաղին զէնքերի նկարագրութեան վերայ, որ՝ ինչպէս ամէն մի ազգի վէպին յատուկ է՝ բառացի կրկնում է ամէն մի դէպքում, առաջ է բերում ամբողջ պատմութիւններ որ եւ է անցքի մասին գործող անձանց խօսքերով, եւ աւասիկ այս կրկնութիւններում, որպէս եւ կուռի եւ մահուան հրաշագեղ տեսարաններում, պատմութիւնը բանաստեղծութեան ոգի եւ ձեւ է ընդունում:

Օրինակի համար առաջ եմ բերում երկու կտոր արձակ պատմութիւնից, որտեղ առաւելապէս աչքի է խփում վանկերի հաւասար չափը՝

Մըսրամելիք ըզձին խեծաւ (8 վանկ)

Իրի գեորդըմ էզարկ Գաւթին՝ (8 վանկ)

Գեախս ընդ գեախս՝ թող դադրաւ վերէն.

(8 վանկ)

Մորամելիք էսաց՝ խոզածին, (8 վանկ)

Խոզ էր, խոզ դարձաւ: (5 վանկ)

Թող վերցաւ, տեսաւ՝ (5 վանկ)

Դաւիթ ազտեղ նըստուկ ի.² (7 վանկ)

եւ կամ՝

Դաւիթ էսաց՝ Խանդիւթ խաթուն, (8 վանկ)

Յուխտ ըլնը վըր իմ՝ խոզիւն՝ (7 վանկ)

Մընչիւ իս իմ՝ փոխ չէնիմ՝ (7 վանկ)

Զքի աստեղէն չը տանիմ: (7 վանկ)

Դաւիթ քուլախ³ առից վէ, (7 վանկ)

Էսաց՝ օղորմած Աստուած (7 վանկ) եւ այլն:⁴

Ինչ կը վերաբերի վէպիս քոն էրէրէն,
վանկերի չափն այստեղ բազմատեսակ է. պատահում են 12 եւ 10, 10 եւ 8 կամ միանուագ 7 կամ 6 վանկեանի երգեր. օրինակի համար՝

Սարիւր, քեամիմ կուզիմ, (6 վանկ)

Չիւրիւր, քեամիմ կուզիմ՝ (6 վանկ)

Նա մէկ տակ սուն շուռ տէր.⁵ (6 վանկ)

եւ կամ՝

Օղորմած բարերար Ասուած, (8 վանկ)

Անունք էլնին բամբակ, իս իլնըմ կրակ

(10 վանկ)

¹ Առաւտից մինչեւ միւս առաւտ:

² Տես իմ ³ Թըրթր Դաւիթ եւ Մհեր, էջ 40-41:

³ Գղակ:

⁴ Նոյնտեղ՝ էջ 47:

⁵ Նոյնտեղ՝ էջ 33:

Իս չըմ կենայ անունք իրիցըցէ. (10 վանկ)

Օղորմած բարերար Ասուած, (8 վանկ)

Անունք էնին գեարնան մատղաչքիր, (9 վանկ)

Իս ինըմ գեարնան անութի գէլիր՝ (10 վանկ)

Իս չըմ կենայ զանունք կճոի:՝ (8 վանկ)

Ամէն մի հերոս, ամէն մի զէնք ունեն
իրանց յատուկ մականունները. Գաւթթը «Թը-
լոր» (Թըլւատ) է կոչուում (երեխայ ժամանակ
նա այրել է իւր լեզուն), նորա հայրը՝ Առու-
ծաձեւ. Մհեր, հօրեղբայրը՝ «Չէնով» Յովան-
կան անգամ լոկ մականուններ՝ Փոքրիկ Ճնճղիկ,
Ճնճղկափորիկ, Խոր Մանուկ, Խոր Կուսան եւ
այլն: Սասունի հերոսները միագումար «Ճ---»
անուամբ են մկրտուած ժողովրդի բերանով:
Գաւթի զէնքերն են՝ Թուր Կէճ-Կէն, գուրդ
Կէճ-Կէն, շապիկ շէճ-Կէն, Թագն ի շէճ-Կէն եւ
այլն: Այս մականուններն այն աստիճան ձու-
լուած են գործող անձանց եւ առարկաների
անուանց հետ, որ այս կազմութեամբ անփոփոխ
հանդէս են գալիս բոլոր վարիանաներում:

Գ. Տիւն-Կէն Կէն-Կէն -- Կէն-Կէն-Կէն:

Այս աւանդութեանց մեծագոյն մասը գրի
է առնուած Ռուսահայաստանի սահմանագլխում
ապրող գաղթականներից. այս «ասողները» ըստ
մեծ մասին ծնած են արդէն օտարութեան մէջ,
ուստի ծանօթ են Գաւթի եւ Մհերի զրոյցների

1 Նշանակ էջ 33. — ան կարգաւ կոկորդից, Կ, Կ, Կ
փոփոկ արտասանել:

հետ միայն իրանց հայրերի եւ պապերի շնորհիւ, որոնք բերած են եղել իրանց հետ հայրենիքից բանաւոր աւանդութեանց հարուստ պաշար: Այս հանգամանքն՝ հարկաւ, զընդնների տեղական մշակման վերայ պիտի ազդէր եւ գլխաւոր պատճառ դառնար այն արուեստական հանգոյցին, որով ժողովուրդը, թէպէտեւ անգիտակցաբար, ճգնում է կապել տարբեր դիւցազնական վէպեր միմեանց հետ. այսպէս՝ մի քանի զընդներում Սասունի քաջերի ազգատոհմը շարունակում են Ռուստամ, Ֆահրամազ, Բուրզէ եւ այլ իրանական հերոսները, որոնց գործունէութիւնը դարձեալ սկիզբն է առնում «Սասուն քաղաքից»: Այս տարօրինակ շփոթումը առաջ է եկել, անկասկած, երկու դիւցազնական աւանդութեանց ընդհարումից, որոնք ժողովրդի երեւակայութեան մէջ սերտ միացել են շնորհիւ հայ եւ պարսիկ հերոսների բարոյական եւ ֆիզիքական յատկութեանց նմանութեանը. Հայոց Դաւիթը անպայման կրում է իրանի փահլեւանների կնիքը, միեւնոյն ժամանակ մնալով ժողովրդի սիրելին:

Հայ ժողովրդական դիւցազնական վէպի
ըովանդակութիւնը:

Ս-ն----ը է- Ա-լէ՛հէլէ՛+ (Բ-դԳ----ը):

Սենեքերիտ՝ թագաւորը պաշարել է Երուսաղէմը. հրեշտակները կոտորում են նորա զօրքերը, եւ նա ինքն հազիւ կարողանում է

փախստեամբ փրկել իւր կեանքը, ուխտ անելով իւր ջոջ կուռքին՝ զո՛հ բերել իւր երկու որդիքը՝ Սանասարին եւ Ասլիմելիքին՝ եթէ որջանգամ տուն դառնայ: Նոցա մայրը (նա գաղտուկ քրիստոնեայ էր!), իմանալով այս բանի մասին, շտապում է իւր որդիքը հեռու երկրներ ուղարկել: Բայց ուր որ գալիս են պանդուխտ եղբայրները, ամէն տեղ նոցա հրաժարում են հիւրընկալել, հէնց որ լսում են նոցա խրոխտ հօր անունը. յուսահատուած՝ նոքա վճռում են թագցընել իրանց ծագումը: Պատահելով ճանապարհին սրնթաց լեռնային առուակի, որ ուժգնաբար կտրում էր մեծ գետի հոսանքը, նոքա ամրոցի հիմք են դնում նորա ական մաս: Վերջապէս եղբայրները ապաստան են գտնում «արեւմուտքի» թագաւորի դրանը, մտնելով նորա մաս ծառայութեան:

Մի օր թագաւորը՝ կամենալով փորձել իւր հիւրերի ընդունակութիւնը, առաջարկում է նոցա կուել իւր զօրքի հետ. Սանասարը եւ Ասլիմելիքը ջարդում են իրանց բոլոր հակառակորդներին եւ սարսափ տարածում նոյն իսկ թագաւորի վերայ, որ՝ կամենալով ազատուել վտանգաւոր օտարականներից՝ հրամայում է նոցա հեռանալ իւր երկրից: Այն ժամանակ եղբայրները յիշում են իրանց ամրոցի մասին եւ խնդրում թագաւորից մի քանի տասնեակ ընտանիքներ ընտրած տեղում քաղաք շինելու. սա ուրախութեամբ կատարում է նոցա խնդիրը, անգամ տալիս իւր դուստրը

Սանասարին կնուխեան, իսկ ամբողջն անուանում Ս-----ն: ¹

Հօր « ջոջ » կուռքը հանգիստ չէ տալիս Ասլիմէլիքին՝ գիշերները այժի կերպարանքով գալիս կանգնում է նորա գլխիվերեւը եւ անդադար « մկմկում » . Ասլիմէլիք վճռում է տուն վերադառնալ: Ուրախացած հայրը իսկոյն տանում է որդուն կռատուն՝ եւ հրամայում նորան երկրպագել « ջոջին », նախ քան նորան զոհելն . որդին խնդրում է հօրը ցոյց տալ իրան, թէ ինչպէս է սա կատարուում, եւ երբ թագաւորը տարածուում է երեսիվայր գետնի վերայ, Ասլիմէլիք սրի հարւածով կտրում է նորա գլուխը, փշրում կուռքերը եւ նստում գահի վերայ:

Մ Ե Օ Մ Հ Ե Բ

Սանասարին ծնաւ մի որդի՝ Մհերը:

Երբ նա դեռ 15 տարեկան էր, Սասունի շրջակայքում երեւեցաւ մի սոսկալի առիւծ, որ կտրեց ամէն մի երթեւեկութիւն: Թանկութիւն ընկաւ: Պատանի Մհերը դուրս է գալիս գազանի դէմ, մենամարտում նորա հետ եւ Աստուածաշնչի Սամսունի պէս երկու կէս անում նորան, ամէն մի կէսը դնելով ճանապարհի երկու կողմը. այս պատճառով նա « Առուծաձեւ » կոչեցաւ: ² Այս հերոսագործութիւնից յետոյ

¹ Որ ըստ ժողովրդի բացատրութեան նշանակում է « Թիւնը սան վերայ » աւելորդ է նկատել, որ սա անյաջող փորձերից մէկն է մեկնել աեղիս մթին անունը:

² Այս նահատակութիւնը բնաւ ծանօթ չէ Մհերի

ՄՏԵՐ գնում է իւր հօրեղբոր՝ Ասլիմէլիքի՝ մօտ Մըսըր,՝ որտեղ մի այրի կնոջից նորան Մօրամէլիքն է ծնում, ապա այստեղից վերադառնում դարձեալ Սասուն:

Սանասար ժողովրդի խնդրանօք որդու համար հարսնացու է որոնում՝ իւր աներոջ եւ նորա վէզիլիի հետ միասին գնում է Մանազկերտ Թեւա-Թորոսի դստեր ձեռքը խնդրելու. տանը չգտնելով նորան, հարսնախօսերը շտապում են նորա յետեւից Ղան, Էրզրում եւ Ղարս, որտեղ Թեւա-Թորոս դեռ նոցա գալուստից առաջ ամբողջի հիմք է դնում. վերջապէս նորան գտնում են դարձեալ Մանազկերտում: Լսելով նոցա գալստեան պատճառը, Թեւա-Թորոս առանց տատանւելու տալիս է ՄՏԵՐին իւր դուստրը, իբրեւ հարսնաղբէր հետը դնելով քեռի Թորոսիկին:

ՄՏԵՐին ծնան երեք որդի՝ Յոան Վէգոյ, Փոքրիկ Ճնճղիկ եւ Դաւիթ:

Սանասարի մահից յետ՝ ՄՏԵՐ աղքատութեան մէջ ընկաւ եւ տարաւ իւր որդիքը Մըսըր Մօրամէլիքի մօտ (որ սպանելով Ասլիմէլիքին՝ գրաւած էր թագաւորութիւնը). ՄՏԵՐ նորան է յանձնում տղաները, ընծայում եւս իւր Ծոփասար եւ Ճապաղջուկ-Քոզէ կալածները եւ ինքն մեռնում վշտից:

աւանդու թեանց մեծամասնութեանը, որ առ հասարակ անշոյն դեր է խաղում մեր դիւցազնական վէպում:

Վ. յս անուամբ յայտնի են մեր ժողովրդական աւանդութիւններում Եղիպտոս եւ նորան կից երկիրները:

Գ Ա Ի Ի Թ

Հայ դիւցազնական վէպի ամենաճոխ մասն կազմում են Դաւթի եւ Նորա որդի Մհերի զրոյցներն, որ մեզ են հասել երկու գլխաւոր խմբագրութեամբ. առաջինն, որ ըստ երեւութին, բանահիւսւած է այս դիւցազների հայրենիքից հեռու, հանդէս է բերում նոցա արդէն հեքեամային քողի տակ, անկասկած, այլապէս աւանդութեանց ազդեցութեան ներքոյ երկրորդն՝ «է-է-ն», Մոկացասողների քերթւածը, ինչպէս արդէն նկատեցինք վերեւում, բաւական զեռ թարմ է պահպանել դիւցազնական զրոյցների վիպական բնաւորութիւնն՝ իւր կենդանի պատմութեամբ, պատկերների նուրբ գծագրութեամբ եւ բովանդակութեան ամբողջութեամբ:

Այլ սկսեմ երկրորդ խմբագրութիւնից:

Մհեր եւ Մորամելիք բարեկամ են. Մորամելիքի մահից յետ Նորա այրին սիրահարական յարաբերութիւններ է սկսում Մհերի հետ. այս կապից ծնում է Մորամելիք-որդին. Մհերը զղջում է, որ «տաճկի ճրագ վառեց, խայուն ընցուց», Մըսրից վերագանում է Սասուն իւր կնոջ մօտ, որից ծնում է Դաւիթը: Զգալով մահի մերձենալը, ծերունին խնդրում է «հօրեղբոր» Չէնով Յովանին իւր եւ կնոջ մահից յետ Դաւթին յանձնել Մորամելիքի կնոջը: Չէնով Յովան կտտարում է Նորա կտակը:

Մի անգամ փոքրիկ Դաւիթը խնդրում է իւր խորթ մօրից՝ թոյլ տալ իրան Մորամելիքի հետ միասին գնալ դաշտ, որտեղ երիտասարդ

իշխանը սովորաբար « յեօլէ » (գնտակ) էր խաղում: Մօր ստիպմամբ Մտրամելիք տանում է Գաւթին իւր հէտ եւ նստացնում հեռուում, յանձնելով նորան երկու կտրիճների հոգատարութեանը, բայց երեխան, ոչինչ չտեսնելով, բարկացած տուն է գալիս, իւր յետեւից քար շելով իւր պահապաններին: Միւս անգամ չարածճին մտնում է քարի փոսը, որ խաղի մէջ նպատակ էր ծառայում, եւ չի ուզում այնտեղից դուրս գալ. Մտրամելիք հրամայում է « յեօլէն » նետել եւ սպանել նորան, բայց Գաւթիքը բռնում է գնտակը, սպանում նորանով 200 մարդ եւ տուն փախչում:

Մտրամելիք վճռում է իւր խորթ եղբորը կորուստանել, վտանգ զգալով նորանից. մայրը առաջարկում է նախ փորձել երեխայի հասունութիւնը. նորա առջեւ դնում են երկու մատուցարան՝ մէկի վերայ ոսկի, միւսի՝ կրակ է շողում. երբ Գաւթիք ցանկանում էր ձեռքը դէպի ոսկին պարզել, Աստուծոյ հրեշտակն ուղղեց նորան դէպի կրակը. այրւած մատը երեխան տարաւ բերանը՝ այրեց եւ լեզուն, որի համար « Թըլօր Գաւթիք » կոչւեցաւ: Բայց Մտրամելիք մտնում է անողորմ. այն ժամանակ մայրը խորհուրդ է տալիս որդուն, որպէս զի մեղքի մէջ շննկնել, ուղարկել որբին Չէնով Յովանի մօտ. Մտրամելիք գաղտուկ հրամայում է Գաւթի ուղեկից երկու կտրիճներին սպանել նորան Բաթմանի՝ կամրջի վերայ եւ մի կուժ լի նորա

1 Բաթման՝ գետ է Սասունում:

արիւնով բերել նորան, որպէս զի իմէ, սիրտը
խովանայ, բայց այս փորձի ժամանակ հազիւ
թէ իրանք կարիճները կեանքից չզրկւեցին.
իրանց փրկելու համար, նոքա երգւում են մա-
նուկ հերոսին՝ յաւիտեան նորան ծառայել, ինչ-
պէս ծառայած են նորա հօրը: Դաւիթ նոցա
հետ միասին հասնում է հայրենական քաղաքը:

2էնով Յովան ուղարկում է Դաւթին
ուլեր արածելու, տալով նորան մի զոյգ պող-
պատէ սօլեր եւ մի պողպատէ գաւազան: Բայց
չափազանց եռանդուն պատանի հովիւը բերում
հօտի հետ է խառնում զանազան տեսակ գա-
զաններ եւ երեկոյեան բոլորին քաղաք քշում:
Սարսափած բնակիչները փակւում են իրանց
տներում: Անւանի քաղաքացիք գանգատում են
2էնով Յովանին, որ նորա եղբորորդին չգիտէ
զանազանել գազանները ուլերից: Այս անգամ
Դաւիթ ստանում է կովեր եւ եղներ, բայց նոյն
եռանդն նա այստեղ եւս ցոյց է տալիս՝ նորա
սօլերը եւ գաւազանը մաշւել են, այնչափ նա
վազած է գազանների յետեւից: Այն ժամա-
նակ հօրեղբայրը տալիս է նորան նետ եւ աղեղ
եւ որսի ուղարկում:

Ստրամելիք ուղարկում է Կուղբագէնին
Սասուն հարկ բերելու. հարկահանը պահան-
ջում է 2էնով Յովանից՝

Քեառսուն անձին շիւշնք¹ կ'ուզիմ,

Քեառսուն անձին էրինջ կուզիմ,



քեառսուն ըղտարեո սկի կուզիմ,
 քեառսուն աղապ աղջիկ կուզիմ էրկանք
 աղան,
 քեառսուն յերկէն կնիկ կուզիմ ուղա բառ-
 նան:¹

Գաւիթ այս ժամանակ որսում էր մի պա-
 ուռ կնոջ կորեկի մէջ. իմանալով նորանից
 կուզրագէնի անգում վարմունքի մասին, նա
 շատապում է ազատել աներում փակած կանանց,
 աղջկերանց եւ անասունները եւ արտաքսում
 տանից նոյն իսկ հարկահանին այն ժամանակ,
 երբ հօրեղբայրը՝ չոքած՝ նորան «կտոսվ» սկի
 էր շափում:²

Գաւիթ դարձեալ որսի է գնում. պա-
 ուռը, տեսնելով իւր կորեկի փճանալը, յան-
 դիմանում է Գաւիթին եւ ցոյց տալիս նորա հայ-
 րական որսատեղի վերայ՝ Հեաեւեալ առաւօտ
 Գաւիթ իւր հօրեղբօր հետ գնում է այնտեղ
 «նէճիրի», նկատելով, որ որսատեղը պարսպած
 է, նա հրամայում է դուրս թողնել գազաննե-
 րին, ասելով՝ «որ կորիճ է՝ ուր խամար թըղ
 բռնի»: Գիշերը Չէնով Յովան Գաւիթի փէշը
 գնում է իւր տակը, որպէս զի քնի ժամանակ
 անհանգիստ երեխան չգնայ մի փորձանքի հան-
 դիպի: Գաւիթի քունը չի տանում. նկատելով
 մօտակայ լեռան վերայ լոյս, նա կտրում է դա-
 նակով իւր փէշը, բարձրանում լեռան գա-
 գաթը, գծում լուսավառ քարի շուրջը եւ վե-

¹ Յեւ իմ «Թըրօր Գաւիթ եւ Մհեր» էջ 13:

բազառնում իւր տեղը: Արթնելով քնից՝ հօ-
րեղբայրը պատմում է նորան, որ այս լեռան
վերայ մի ժամանակ նորա հայր Մհերը շինած
էր «Մարութայ բանձր Ատուարածին», վանքն,¹
որ ապա Մորամելիք աւերեց: Դաւիթ վերա-
կանգնում է վանքն եւ դնում նորն մէջ «40
նորնձայ էրէց, 40 վարդապետ, 40 էպիսկո-
պոս, 40 աւագ սարկաւազ, 40 սարկաւազ», եւ
նոցա պահապան՝ Յարատայ Քեամին եւ Բաթ-
մանայ Բիւղին:»

Մորամելիք, իմանալով սորա մասին, կրկին
ուզարկում է Աուզբազէնին Սասուն, որ աւե-
րում է վանքն եւ սպանում ամբողջ միաբանու-
թիւնն. մահից պրծնում է միայն մի սարկաւազ,
որ այս գոյժը բերում է Դաւիթին. հերոսը,
դնելով ուտին արմատահան արած ծառը, հաս-
նում է թշնամիների յետեւից եւ բոլորին
կոտորում, իսկ Աուզբազէնին՝ քարշելով նորա
ատամներն եւ շարելով ճակտին՝ արձակում
գուժկան Մորամելիքի մօտ: Աւանքն նորից շին-
ւում է:

Մորամելիք զօրք է գումարում եւ ար-
շաւում Սասունի վերայ. զօրքը գալիս բանա-
կում է Ղիւռայ գաշտում:

Դաւիթ լսում է այս նոր վտանգի մասին
նոյն պառաւից, որ՝ կամենալով փրկել իւր կո-
րեկը՝ յիշեցրնում է նորան նորա հօր զէնքերի
եւ Քուռկիկ Զալալի մասին, պատանի դիւցազնը

¹ Այս վանքն այժմն էլ կարելի է տեսնել Սասունում:

կուրի է պատրաստուում եւ պահանջում հօրեղ-
բօրից՝

Քենէ կուզիմ իմ խօր քուռկիկ քալալին,
Քենէ կուզիմ իմ խօր թուր կէծակին,
Քենէ կուզիմ իմ խօր խաչ պատրազին վար
աջ թելին,
Քենէ կուզիմ իմ խօր ոսկի գիւտին,¹
Քենէ կուզիմ իմ խօր կապէն խարիւկին,
Քենէ կուզիմ իմ խօր ոսկի քեամար,
Ար տաս խաթրեով, շիս՝ կենիմ զօրեով:²

Չէնով Յովան ակամայ տալիս է նորան
պահանջած զէնքերն, իսկ խաչ պատրազին՝
Գաւթի աղօթքի զօրութեամբ՝ ինքն թռչում
նստում է նորա աջ թելի վերայ. բայց հօր
պատերազմական զրահներն չափազանց մեծ են
փոքրիկ Գաւթի համար՝ ոսկի քեամար 40 փաթ
փաթաթեց, ապա նոր կոճկեց, ոսկի գիւտին
“ 40 լիտր բամբակով ” լցրեց, նոր նստաւ գլխին:

Հետեւելով հօրեղբօր խորհրդին, Գաւթի
կուրից առաջ քնում է իւր հօր “ կաթնաղ-
բիւրի ” մօտ, խմելով նորա ջրից. հետեւեալ
առաւօտ նա տեսնում է իրան լցւած եւ հսկայ-
ական հասակ ստացած. այժմ զրահներն հազիւ
վերան են գալիս:

Աամենալով փորձել թուր կէծակի զօրու-
թիւնը, հերոսը մի հարւածով կէս է անում
ճանապարհին պատահած պողպատէ սիւնը, ապա
վստահ գնում թշնամու գէմ:

1 Սողաւորտ:

2 Նոյնտեղ՝ էջ 26:

Մտրամելիք Դաւթի համար դարան է պատրաստել՝ խոր փոս է փորել եւ վերելից թաղիսով ծածկել: Սասունցի գիւցազնը գտնում է իւր հակառակորդին « եօթ օրւայ քնով քնած » . Դաւիթ արթնացնում է նորան, հրաւրու գուժնի խոփը դնելով ոտերի տակ: Մտրամելիքի եւ մօր խնդրանօք նա իջնում է իւր քալալից հանգստանալու եւ ընկնում դարանի մէջ:

Չէնով Յովան վատ երազ է տեսնում, իրրեւ թէ Մըսրրի աստղը վառ փայլում է, իսկ Սասունինը՝ հազիւ պսպղում: Հասկանալով, որ Դաւիթ վտանգի մէջ է, նա նստում է իւր արագաթռիչ նժոյգի վերայ, մի ակնթարթում հասնում կուրի դաշտն եւ իւր ուժգին ձայնով յիշեցնում Դաւթին խաչ պատրազի սքանչելի զօրութեան մասին. Դաւիթ աղօթքով գիմում է իւր հօր վանքին եւ խաչին¹ եւ խկոյն դուրս գալիս լոյս աշխարհ: Ապա տեղի է ունենում երկու ակոյեանների հռչակաւոր կռիւր: Մտրամելիք երեք անգամ հարւածում է Դաւթին, բայց ամէն անգամ միայն փոշի է բարձրացնում նորանից: Հերթը Դաւթինն է. Մտրամելիք մտնում է « 40 գեազ » փոսի մէջ, վերան դարսել տալիս « 40 ջաղցի քար, 40 գոմշի կաշի » . մայրը առաջ է գալիս եւ խնդրում հերոսից՝

1 Հացն ու գինին, տէր կենդանին,

Մտրութայ բանձրիկ Ասուարածին,

Խաչ պատրազին ընչ վար աջ թեւին

հերոսի սովորական աղօթքն է նեղ բօպենեբում:

իրան բաշխել որդու կեանքը. Գաւիթ ընծայում է նորան երկու հարւած, իսկ երրորդով կտրում « 40 ջաղցի քարը, 40 գունչի կաշին » եւ իրան Գորամելիքին երկու կէս անում:

Ըստ էրէրէր խմբագրութեան՝ Հերոսի խնամատարը Քեոի Թորոսն է հանգիստնում: Եիշելով ՄՏերի որբերի՝ Չէնով Եովանի, Յսան Վէդոյի եւ Գաւիթի (այլ վարիանաներում եւս՝ փոքրիկ Ճնճղկի, Խոր Մանուկի, Խոր Գուսանի) մասին, որոնց հայրը թողած էր Մըսրում, Քեոի Թորոսը շատպում է նոցա այնտեղից Սասուն բերել: Գորամելիքը համաձայնում է միայն այն պայմանով նոցա արձակել, եթէ նորանախապէս նորա սրի տակից անցնեն: Մեծ եղբայրները անցնում են, Գաւիթը յամառում է. միայն իւր Քեոու յորգորանաց զիջանելով՝ նա թռնում է սրի վերայից, ոտը քարին է առնում, քարից կայծ է ցայտում: Սուկաց Գորամելիք, վտանգ զգալով նորանից:

Յսան Վէդոն նստում է թագաւոր Սասունում, իսկ Գաւիթին ուղարկում են հորթեր արածելու: Արօտում նա եղբայրանում է հարեւան գիւղի հովիւի հետ. մի անգամ, խմանալով նորանից, որ նոցա գիւղում այդ օրը պատարագ կայ, Գաւիթը շատպում է եկեղեցու գաւիթը եւ շտպասելով պատարագի արձակման, անց է կացնում իւր գաւազանը՝ « մատաղի » կաթսաններից մէկի կանթը եւ բերում իւր եղբորը: Սա արտասուքն աչքերին պատմում է Գաւիթին, որ նորա բացակայութեան ժամանակ

եկան 40 աւազակներ եւ հօտից 40 կով տարան: Հերոսը առնում է իւր գաւազանը, հետամուտ լինում նոցա եւ ծածկում մի այրի մէջ: Սարսափը տիրեց աւազակներին, երբ նորա դիցացանական գոչը լսեցին, եւ սկսեցին մի առ մի դուրս գալ իրանց թագստեան տեղից. սպաննելով նոցա, դաւիթ մտնում է այրի մէջ, որտեղ գտնում է կուտակւած զանազան տեսակ գանձեր. բայց ամենից առաւել նորան սիրելի է Քուռկիկ Զալալին. մի կողմում եփ է գալիս կաթսան կովերի կաշիների մէջը: Դաւիթ վերագարձնում է կաշիները իւր ընկերոջ համագիւղացիներին եւ սպառնում նոցա «Դաւիթի աւերածով», եթէ նոցա իւր եղբօր ոռճկի գէթ մի փոքր մասն անգամ կտրեն. ապա իւր Քեռու օգնութեամբ նա տուն է բերում գանձերը, իսկ իրան իրրեւ ընծայ ստանում Քուռկիկ Զալալին:

Հետեւեալում երկու խմբագրութիւնները նման են:

Աւանդութեան շարունակութիւնն է Դաւիթի պսակը խանդութ խաթունի հետ: Հերոսը նշանւած է Չմեշկիկ Սուլթանի հետ, բայց հրապուրւած խանդութի գեղեցկութեամբ, որ գովում են Կապուտկողի արքայագոստերից ուղարկւած աշուղները,¹ նա վճռում է ամենայն

¹ Իկին գեղջ իկին էրկու կազուզուն.

խանդիւթ խաթուն Դաւիթի խամար գեովացին՝

Անու բնիտ բալէն՝ կ'իտարցիս՝

Քեառսուն կանգիւնը, մկնել յաւել ք.

* Հասակ:

գնով նորա ձեռը ստանալ: Ճանապարհին նա պատահում է մի մանձկալի,¹ որ քշում էր իւր գութանը երկու գոմէշով լծած. դաւիթ արձակում է անասունները, իւր մէջքն է փաթաթում գութնի շղթան եւ եօթ «փաթ» վարում: Չարմացած մանձկալը նկատում է, որ «հունարը» ձիանն է. հերոսը իջնում է ձիուց եւ եօթը փաթ եւս վարում: Գիւղից ճաշ են բերում, եւ մանձկալը հրաւիրում է անծանօթ փահլեւանին միասին ճաշել. դաւիթ մարբում է բոլոր ամանները եւ սարսափ տարածում իւր սեղանակիցների վերայ. «հայ տղէք, փախէք, էսի մեզի էլ կուտայ» գոչում է մանձկալը: Կամենալով փորձել իւր բախար, թէ արդեօք ստանալու է խանդութի ձեռքը, դիւցազն մի սրի հարւածով կէս է անում գութանը: Վարձատրելով մանձկալին նորա վնասի համար, նա շարունակում է իւր ճանապարհը:

Եօթ փահլեւաններ արդէն երեք տարի է խանդութ խաթունի արքունիքում սպասում են իրանց ընտրութեանը. հազիւ խանդութ նկատում է դաւիթին պատուհանից, իսկոյն նետում

Անու ճակատու լէնուս կ'իտարցիս՝

Եօթ կանդիւնը, մէկն էլ յարելը.

Անու ընքտիր կ'իտարցիս՝

Կալամով ին քէշած.

Անու աշքիր կ'իտարցիս՝

Չինու կրթիւնը.

Անու սըւակութիւն կ'իտարցիս՝

Քանց գէղած բաժրկի քիւլէն սըւտակը՝

(Թ. Դաւիթ էջ 44—45.)

1 Գութան վարուց:

է նորան ոսկէ խնձորը: Փեսաները խօսք են անում միմեանց հետ արբեցընել իրանց բախտաւոր հակառակորդին եւ սպանել նորան: Խնջոյք են պատրաստում եւ թագցընում իրանց սրերը սեղանի ծածկոցի տակ: Հերոսը խմանում է նոցա չար դիտաւորութեան մասին դոնասպան Գորգիղից, որին իրան քաւոր է նշանակում. մտնելով խնջոյքի սենեակը, նա միանգամից դատարկում է գինով լի կաթնասն եւ կոտորատում դաւադիրների սրերը. փեսաները դուրս են փախչում, մի մի ապտակ իջեցնելով քաւոր Գորգիղին: Բայց թանգ արժեցաւ նորան իւր հարսից մի աւելորդ համբոյք քաղելու փորձը՝ դիւցազնուհին բռնցքի հարւածով արիւնում է նորա երեսը. Գաւիթ բարկացած խնդրում է Աստըծուց զէպք տալ նորան իւր անպատուութեան վրէժը առնելու: Արթնելով հետեւեալ առաւօտ՝ նա տեսնում է Խանդութի քաղաքը նորա հօր թշնամիներով պատած. իրրեւ փեսայ, կուի նա պէտք է գնայ: Արդէն երեք օր է, որ Գաւիթ չկայ. Խանդութ, չհամբերելով, տղամարդի զգեստ է հագնում, զինավառում եւ գնում Գաւթի դիակը որոնելու. պատահելով նորան ճանապարհին, արքայադուստրը նորան չի ճանաչում եւ կուի բռնում. հերոսը նորան երիւարից գետին է գլորում, չորում կրծքի վերայ եւ պատրաստ է արդէն մահացու հարւածը իջեցընել, երբ մի զոյգ «սիւտակ ծըծերը» դուրս են պրծնում, եւ Գաւիթ ճանաչում է իւր հարսին:

Գաւիթ կնոջը տանում է Սասուն. Չմեշկիկ Սուլթանը (Ճանապարհը նորա երկրի միջով էր անցնում), տննելով նորան պատուհանից, կշտամբում է նորան դաւաճանութեան համար եւ մենամարտութեան հրաւիրում. Գաւիթ ընդունում է հրաւերը եւ երգում իւր խաչպատրազով վերադառնալ եօթ օրից յետ:

Բայց անցնում են եօթը տարի, եւ երգման մասին մոռացւում է:

Փ Ո Ք Ի Մ Լ Ե Ի

Գաւթին եղաւ մի որդի՝ Մհերը:

Սորա մանկութիւնը նոյնպիսի դիւցազնական կատակներով է զարդարւած, ինչպէս Զոհրաբինը պարսից, Վասիլիյ Բուսլայելինը՝ ռուսաց վէպերում. ում ականջից է քարշում՝ ականջն է հանում, թեւից է քարշում՝ թեւը պոկում: Սասունի մեծամեծները գանգատում են Գաւթին, որ նորա որդին քաղաքի բոլոր մատաղ սերունդը բնաջինջ է արել. բայց ինքն հայրն եւս արդէն անզօր է հանդիսանում իւր որդու կատակներին վերջ գնելու. Մհերը կուի է բռնւում հօր հետ եւ միայն Գարբիէլ հրեշտակը՝ իջնելով երկնից՝ բաժանում է երկուսին. Գաւիթ անիծում է որդուն եւ խնդրում Աստուծուց նորան սերունդ չտալ. նեղացած Մհերը հեռանում է խլաթ:

Գաւիթ նկատում է, որ իւր խաչը աջ թեւի վերայ սեւացել է, իսկոյն յիշում իւր երգման մասին եւ վճռում գնալ Չմեշկիկ Սուլ-

Թանի մօտ: Կուից առաջ նա լողանում է իւր հակառակորդի պարտիզի շատրւանի մէջ: Չմեշկիկ դաւաճանաբար հարւածում է նորան պատուհանից հրավառ « գութնի խոփով » եւ սպանում: Խանդութ խաթուն՝ լսելով Գաւթի մահը՝ մեռնում է վշտից:

Չէնով Յովան Յուն, Վէգոյ, ահ կրելով Չմեշկիկի վրէժից, վճռում են կոչել Մհերին Խաթից. Յովան փաթաթւում է 7 փաթ գոմշի կաշով, որպէս զի « չորաքի » եւ իւր դիւցազնական գոշով իմացընում եղբօրորդուն նորա հօր մահւան մասին. Մհեր, նորա ձայնը առնելով, շտապում է Սասուն եւ աւերում Չմեշկիկի քաղաքները: Չէնով Յովան որդեգրում է Մհերին¹:

Ասուածաշնչի աւանդութիւնն Յովսէփ գեղեցկի եւ Պենտեփրիոյ կնոջ մասին կրկնում է եւ այստեղ շնչին տարբերութեամբ, արտաքուստ տանից Մհերը հօր գերեզմանի վերայ գանգատում է իւր վիճակից՝

1 Ըստ այլ աւանդութեան՝ Մհեր ծնում է զեռ խանդութի հօր տանը, որակց նա մեծանում է: Երբ խանդութ, Գաւթի մահը լսելով, նետում է իրան աշտարակի բարձրութիւնից, Գաւթի եղբայրները հաւարում են նորա շուրջը եւ տեսնում, որ նորա ծներից կաթ է հոսում. վճռում են գնալ խանդութի ծնողների մօտ եւ պահանջել Գաւթի սերունդը: Մեծ մայրը փակում է Մհերին 7 դռների յետեւը եւ յայտնում Սասունի հերսաներին նորա մահւան մասին: Չէնով Յովան, չհաւատալով նորան, գործադրում է իւր ահաւոր ձայնը. Մհեր ջարդում է դռները եւ դուրս գալիս իւր հօրեղբայրց մօտ:

Տայ խերիկ, ինչը էնիմ

Տայ խերիկ, ինչը էնիմ

Սասմայ քեաղքէն բեհարար խանած։¹

Գերեզմանից լուում է Գաւթի ձայնը, որ ցոյց է տալիս նորան Հալար քաղաքի վերայ: Ճանապարհին հերոսը պատահում է մի սուկալի պառաւ կնոջ, որ հաց էր թխում. վախելով թէ մի գուցէ պառաւը նորան ուտէ, Մհեր պինդ բռնում է նորա ծծերից. պառաւը ազաւում է նորան արձակել եւ խոստանում նորան իւր դրստեր՝ գեղեցիկ Գոհար խաթունի ձեռը: Հերոսը պսակւում է Գոհարի հետ:

Հալարի թագաւորը լուում է, որ իւր նշանածին մի անծանօթ կորիճ է տիրել, եւ մարդ է ուղարկում Սասուն օգնութեան կոչելու. այնտեղի փահլեւաններից մէկին: Չենով Յովան ուղարկում է իւր որդուն՝ Պարոն Աստղիկին, տալով նորան Գաւթի զէնքերը: Մհեր իւր ազգականի «արեան հօտը» առնում է եւ հրամայում կնոջը փակել թոյր պատուհաններն եւ դռները, մինչդեռ նա կուելիս կը լինի: Յանկարծ սենեակը վառւում է անսովոր լուսով. Գոհար, չհամբերելով՝ բաց է անում պատուհանը եւ տեսնում՝

. . . մէկմ ձին թեւաւուր խեծի,

Վար Մհերկէ գլխին կէթայ կուգեայ,

Թուր կ'շարժի վար մատայլին,

¹ Արտաքրտւած:

Բիւռ բիւռ կրակ թրից կը լցուի վար մատալին,
 Մատալից շուռ կառնի գետին,
 Կէթայ յանդիւնդք¹

Գրքի մէջ Գոհար կարգում է, որ այս
 հերոսը Մհերի հօրեղբայրն է, եւ բարձրա-
 ձայն ողջունում նորան. կնոջ ձայնն առնելով,
 Մհեր բարկութիւնից նեւասար է անում Աստ-
 զիկին, որ աւանդում է հոգին « ըստ Սասունցոց
 սովորութեան », նորա ծնկների վերայ: Հերոսը
 ուշաթափ է լինում. թշնամիք կապում են նորան
 երկաթէ շղթաներով եւ նետում մի հօրի մէջ:
 Մհեր դուրս է գալիս այստեղից մի պառաւի
 շնորհիւ եւ որդեգրում մի քահանայից: Մինչ
 այս մինչ այն Հալարի թագաւորը գեռ շարու-
 նակում է պաշարել Գոհարի ամրոցը, որ պաշտ-
 պանում է այս դիւցազնուհին: Մհերին տանում
 են զինուոր. պատահելով Գոհարին կուի մէջ,
 նա անցնում է նորա կողմը, կոտորում թա-
 գաւորի զօրքերը եւ նստում նորա գահի վերայ:

Մի այլ վարիանտ հետեւեալ կերպով է
 նկարագրում Մհերի կոխը թեւաւոր Աստղիկի
 հետ. Մհեր իւր հօր վրէժն է առնում, աւե-
 րելով Չմեշկիկի քաղաքները. նոցանից մէկում
 նա գտնում է միայն մի ծերունու՝ Փիրմուսին՝
 նորա դստեր՝ Գեղձոնի հետ. հերոսը տալիս է
 Գեղձոնին իրան ուղեկցող հօրեղբօրը՝ խոր Մա-
 նուկին, իսկ ինքն պսակւում է մի թագաւորի
 դստեր հետ: Աինը (Գոհար խաթունը) աստղա-

¹ Նոյն տեղ էջ 66:

գէտ էր: մի օր նա յայտնում է ամուսնուն այն մեծ գտանդի մասին, որ սպառնում է նորա ցեղակիցներին մէկին: Գիւցաղնը կնոջ հետ գնում է ձերունի ֆիրմա: սի մօտ. առաւօտեան զալիս է Ասաղիկ Երզնկացին եւ կուի բռնում Մհերի հետ, հարւածելով նորան վերելից. Գոհար՝ տեսնելով իւր ամուսնուն նեղւած, բաց է անում իւր « սիւտակ ծծերը » եւ խոստանում Ասաղիկին նոցանում հանդիստ տալ նորան, եթէ նա խնայէ զեւ անփորձ Մհերին. Ասաղիկ մի ակնթարթ կանգ է առնում, հրապուրւած նորա գեղեցկութեամբ, բայց յանկարծ մահացի հարւած զգալով՝ անշունչ գետին է տարածւում: Մհերի հարցին, թէ արդեօք ի՞նչ է Ասաղիկի սխի պատճառը, ձերունին պատասխանում է, որ Գեղձոն Ասաղիկի նշանածն էր:

Վերջապէս մի երրորդ վարիանս նկարագրում է այս աստեղամարան աւելի եւս մանրամասնօրէն: Խոր Մանուկ առեւանգում է Գեղձոնին, Ասաղիկի նշանածին, եւ թաղցնում նորան մի այրի մէջ: « Ասաղը ճակատին » հերոսը հետամուտ է լինում նորան մինչեւ Մհերի բնակատեղը, որտեղ սա յոյս ունի իրան պատսպարան գտնել: Մհեր բարձրանում է տան կտուրը եւ այնտեղից մենամարտում Ասաղիկի հետ, բայց գուրդի ծանր հարւածից ուշաթափ վայր է ընկնում. մահից ազատում է նորան դարձեալ կինը, իւր ժամանակին բաց անելով իւր « սիւտակ ծծերը »: Մհեր՝ բարկացած կնոջ անպարկեշտութեան վերայ, երգւում է եօթը տարի նո-

բանից հետո մնալ եւ՝ հրեղէն ձին հեծած՝ հա-
լածում է Աստղիկին օդի միջով երկրի շորս
կողմը. ազատութեան ոչ մի հնար չտեսնելով
Աստղիկ ուղղում է իւր ճանապարհը դարձեալ
դէպի Գոհարի բնակարանը, նորանից բարե-
խօսութիւն սպասելով. բայց տան շէմքի առջեւ
նորան հասնում է Մհերը եւ սպանում. աստղը
դիւցազնի ճակատից թռչում է:

Անցնու՛մ են շատ տարիներ, եւ Գոհար
մեռնում է: Մհեր իւր ձին նստած օրում է,
բայց «ճերայցած» հողը նորան արդէն չի կարող
պահել: Նորա խնդրանօք Աստուած բաց է ա-
նում Ամնայ քարը, որ եւ իրան մէջն է առնում
դիւցազնին իւր երիվարի հետ:

Այս հռչակաւոր քարի մասին աւանդու-
թիւնն մինչեւ այժմն կենդանի է ժողովրդի մէջ.
նա այսօր էլ հաւատում է, որ տարին մի ան-
գամ Համբարձման գիշերը բացւում է քարը եւ
բանտարկւած հերոսը կրկին տեսնում է աշխարհ:

Հայ դիւցազնական վէպի պատմական
սերմն:

Արդէն նիւթն ինքն ըստ ինքեան ցոյց է
տալիս, թէ ինչ պէտքէս տարրերից են բաղկա-
ցած նորա մասերը. Հայ աւանդութեան ծիլը՝
աճելով՝ խառնուել փաթաթուել է զանազան ազ-
գերի առասպելեաց բողբոջներին. այստեղ պարզ
լսելի է եւ Աստուածաշնչի պատմութեանց եւ
պարսից դիւցազնական վէպի եւ խորհրդաւոր

Արեւելքի հրապուրիչ հեքեամեների արձագանգն: Այսպիսի բնաւորութիւն են կրում առհասարակ ամէն մի ազգի բանաւոր աւանդութիւնները. նա հակած է միշտ իւր յիշողութեան մէջ միացնել այն երեւոյթները, որ զրգած են նորա երեւակայութիւնն, կապ որոնել նոցա մէջ, դրոշմել նոցա վերայ իւր ազգային ոգու կնիքը:

Համերոտի վէպերը, ամբողջապէս վեր առած, հազիւ թէ մի ազգի ստեղծական շնորհին կարելի լինէր վերագրել. նոցանում մերթ այստեղ, մերթ այնտեղ մեր ականջին են գիպում ալիւոր Արեւելքի առասպելները, որ երբեք խղած չէր իւր կուլտուրական կապն իւր հարազատ որդւոց հեռաւոր գաղթականութեանց հետ. միայն հելլէն ազգին էր վիճակած՝ այս թափառական զրոյցներն գեղարուեստորէն մշակել եւ նոցանից մի գեղեցիկ ամբողջութիւն կազմել:

Պատմութիւնը շփել է Հայերին մի շարք ազգերի հետ, որոնցից ոմանք իրանց դարաւոր հարեւանութեան հետքերը խորը դրոշմել են նոցա հոգեւոր կեանքի վերայ: Պարսից քաղաքական իշխանութիւնն, որ տարածւում էր ամբողջ Փոքր Ասիոյ վերայ եւ հասնում մինչեւ կովկասեան ձիւնապատ լեռնաշղթան, անպտուղ չպէտք է մնար հայ ժողովրդի մտաւոր զարգացման համար, եւ իրօք՝ այս օտար ազդեցութիւնն աչքի է զարկում ոչ միայն մեր լեզւում, այլ եւ այն բազմաթիւ աւանդութիւններում, որոնք

անմիջապէս կրում են Իրանի վիպական զրոյց-
ների կնիքը:

Միւս կողմից Բարեւազուց լայնածաւալ աշ-
խարհայեցողութիւնը, նոցա հռչակաւոր «աս-
տեղագիտութեամբ», հանդերձ, ազգէ ազգ, ցեղէ
ցեղ անցնելով, պէտք է գրաւէին ամբողջ հին
աշխարհի երեւակայութիւնն: Քրիստոնէական
եկեղեցւոյ թափած բոլոր ճիգը՝ խորակել հե-
թանոս շաստուծոց, երկնային լուսատուների
պաշտամունքն՝ ապարդիւն մնաց նորա դարաւոր
կուում իւր հզօր հակառակորդի հետ. ժողո-
վուրդը անգամ մկրտելուց յետոյ դեռ շարու-
նակում էր հաւատալ եւ այժմ էլ հաւատում
է աստղերի բնազդող զօրութեանն, որոնք բաց
են անում նորան ապագայի գաղտնիքները, չար
օրը, չար տարին յայտնում եւ ուղեկցում նո-
րան մինչեւ գերեզման: Բեւեռագիր արձանա-
գրութիւններն, որ գտնւած են Հայաստանի
սահմաններում (Թ. դարից սկսած Ն. Բ.) եզ-
րակացնել են տալիս, որ Բարեւոնի կուլտուրան
դեռ նախապատմական ժամանակները հաստատ-
ւել էր Փոքր Ասիայում, որտեղից նորան լայն
ճանապարհ էր բացւում դէպ ի Արեւմուտք:

Վերջապէս Աստուածաշնչի պատմութիւն-
ներն, որ այնչափ տարածւած են Արեւելքում,
պէտք է հարուստ պաշար մատակարարէին հայ
ժողովոյի հետաքրքրութեանն. նոցա հասա-
րակ ոճը, մատչելի եւ հետաքրքիր բովան-
դակութիւնն՝ խորը բարոյական իմաստի հետ
միացած՝ բնականապէս պէտք է հրապուրէին այն

ազգերի համակրանքն, որոնց մէջ ներա տարած-
ւում էին, դառնալով այնուհետեւ նոցա հո-
գեւոր կեանքի գլխաւոր գործունեւրից մէկը. հա-
զարաւոր տարիներ, նոյն իսկ Վար կատկարանն
անզոր և հանդիսացած քակտել Հնի այն զօրեղ
հեղինակութիւնն, որ դարերէ ի վեր կրթել է
մարդկային այնուազոյն յեղերը:

Մանաւանդ առատ են Ս. Գրոց աւան-
դառններն հայ հոգի վերայ. հազիւ քրիստո-
նէութիւնն առ դրեց Հայաստան, ինչպէս հայ
հոգեւորականութիւնը՝ ժողովրդի կրթութեան
գլուխն անցած՝ սկսեց եռանդուն կերպով աւ-
րածել նոր սերմն կրկրի յեր-ցան մասերում.
քրիստոնէութիւնը դարձաւ այնուհետեւ ազ-
գային միութեան եւ բարգաւաճման հիմնարարը,
զարկ աւելց մայրենի լեզու եւ պատմագրութեան
զարգացմանը, բաց արեց հայ մանկանց առջեւ
արեւմտեան գիտութեան գանձարանը: Հին
կատկարանը, շնորհիւ իւր վերական բնաւորու-
թեան, պէտք է առանձնապէս սիրելի ընդունե-
լութիւն գանէր հայ ժողովրդի մէջ, որ հնուց ի
վեր ունէր իւր դիպաղնական աշխարհը, ստար
հերոսները, սակաւ առ սակաւ բնակչանալով
նորան, պէտք է ի վերջոյ մանէին նորա ազգային
անմահների տաճարը: Անթաղրելու է, որ Աս-
տուածաշունչը դեռ աւելի վաղ ծանօթ էր Հայե-
րին՝ շնորհիւ գերի բերած Հրեաների, որոնց
Հայոց թագաւորները բնակեցնում էին կրկրի
զանազան մասերում:

1 Ս. Կորենացի Գիրք Բ. ԳԼ. ԺԺ. Ս. Գրոց Թ

Սանասար եւ Բաղդասար: Բնական է որ Հայ ժողովուրդը գարեբի ընթացքում Մ. Գրոց Սանասարին (= Շարեղեր) Հայ գիւցապէն է մկրտել, նորանից սերելով Սասան զաւտոյ աւուներ: Բաւական է երկու աւանդութեանց ամենաթիւնն է. համեմատութիւնն անգամ, որպէս զի տեսնել նոցա անկասկած նմանութիւնը. թագաւորաց գրքում կարգում ենք՝

«Եւ ի հասանել զիշերոյն եւ հրեշտակ ճեւան, եւ եհար ի բանակէն ասորեստանեայց հարիւր եւ ութսուն եւ հինգ հազար, եւ կանխեցին ընդ առաւօտն, եւ ահա ամենայն մարմնք մեռեալ: Եւ չուեաց զնաց, եւ զարձաւ Սենեքերիմ՝ արքայ ասորեստանեայց՝ եւ բընակեցաւ ի Նինուէ» (Թագք. 2օրք. 41. ժթ. 35, 36):¹

Հայ աւանդութիւնն անհամաձայն է իւր օրինակի հետ միայն Հայրասպանների Բ-է եւ սպանութեան շահաւէն նկատմամբ. Հին կապարանն ապա շարունակում է՝

«Եւ եղև մինչդեռ երկիր պապանէր (Սենեքերիմ) ի տան Նեարսայ աստուծոյ իւրում, Ազրամելէք եւ Սարասար որդիք նորա հարին զնա օրով, եւ ինքեանք զերձան յերկիրն

քանի աւանդութիւնները, ինչպէս որ. Ազամի եւ Եւսի, Քհհեղեղի եւ այլն. որոնց հետքերն այժմ պարզապէս գտնուի ենք Բարեչական բեւեռապրերում, թերեւս խորը հետ թեմում ասրածեան էին քորք Ասորում:

¹ Գրքը Սասանական էք հին եւ նոր կապարանացի ի Վե՛. 1860:

Վրաբատայ. ¹ մինչդեռ հայ զրոյցն հօր սպա-
նումն (եւ այն եւս ~~էր~~ ~~չէր~~) վերագրում
է նորա երկու որդւոց միայն ~~Հիւսէ~~, որ զանազան
անուններ է կրում՝ Վսլիմիլը, Վրամիլը, Բաղ-
դասար եւ այլն. այսպիսով աւանդութիւնս
աւելի մերձնում է Գլոխհիստորի պատմու-
թեանն, ըստ որում Վտրեստանի տէրը ընկնում
է միայն մէկի՝ մի օմն Վրդումազանի ձեռից. նոյն
անունն պահպանել է եւ Մ. Խորենացին՝ «Վր-
դամողան», պէսպէսութեամբ, որ նոյն գլխում
եւս «Վրամիլ» է կոչումը ² Հօր անընական
խոյնտումն որդուց՝ ժողովուրդը ճգնում է ար-
դարացնել հայրասպանի քրիստոնէական ոգեւո-
րութեամբ, որի շնորհիւ վերանում է երկրից
կռապաշտութիւնն:

Այ մի ներքին կապ չունենալով մեր ժո-
ղովրդական վէպի հետ, որ պատմական սերմից է
ածել, այս զրոյցն պէտք է այն արւեստական
հանգոյցների շարքը դասել, որոնցով ժողո-
վուրդը անգիտակցաբար երբեմն կապում է իւր
ազգային աւանդութեանց թելը, հրապուրելով
անւանց արտաքին նմանութեամբ: Սակայն զրոյցս
նորանով է հետաքրքրական, որ նորանում՝ ըստ

¹ Նոյն տեղ 37: Հմմտ. եւս Ցօփթթ՝

Ե. 24... Եւ ոչ անցին աւուրք — Եւս օձա յօ 1. 21.
յիսուն՝ մինչեւ սպանին զնա (գլխե — օձաձօ Եւս յօ
նեքերթ) երկուքին որդիքն իւր եւ — օքսօ օձ, Եւս օձ
ժախեան նորա ի լերինս Հոյոց: — Եւս յօ 1, 1; օձ

² Մ. Խոր. Գ. Ե. 42. ԻԳ. Բարեւական ժամանա-
կաշիրը նմանապէս միայն մի թագաւորասպան է նմանում,
նշանակելով այս անցքը 681 թ. 20 Տերեւ (Ժ. ամս):

օրինակի հռոմէական աւանդութեան՝ երկու հարազատ եղբայրներ քաղաքի հիմնադիրք են հանդիսանում, առհասարակ երկու եղբարց արկածները հնումն կազմում էին թափառական աւանդութեանց նիւթ. բաւական է յիշել Ռոմուլոս եւ Ռեմոս, յունաց Գարմոզիոս եւ Արիստոգէտոն, Ագամեմոն եւ Մենելաոս, Աստուածաշնչի Կայէն եւ Արէլ, գերմանացւոց Բալդուր եւ Հիւզր (Hödhr) եւ այլն. սովորաբար երկու եղբայրներից մէկը շուտով իւր վախճանն է գտնում. (Արէլ, Ռեմոս, Գարմոզիոս, Ագամեմոնոն,) Հիւզր կոյր է հանդիսանում. ըստ յունաց աւանդութեան՝ Կաստօր եւ Պօլլիզելէս, Գիոսի որդիքը (Dioskuren) փոփոխաբար ապրում էին՝ մէկը երկրիս վերայ արեւի լուսով, միւսը՝ գետնաշխարհի (դժոխքի) մթութեան մէջ (Ողիսեւ 11, 303). նոցա գլխաւոր տօնը կատարուում էր ամառային արեւադարձին: Այս առասպելների սկզբնական հայրենիքը հաւանական է Բարեւոնում որոնել, որտեղից է ծագած արեւի եւ լուսնի (Շամաշ եւ Սին) պաշտամունքն: Կուլտուրայի դեռ ստորին աստիճանի վերայ կանգնած ազգերի երեւակայութիւնն պէտք է հանապազ ազդէին երկրիս այս երկու լուսատուները, որոնցից մէկը անփոփոխ է իւր մշտնջենաւոր շարժման մէջ, իսկ միւսը՝ տարւայ որոշ ժամանակները նւազում, կորնչում է եւ դարձեալ փայլում երկնակամարում:

Մեծ Մհերի մասին մեր աւանդութիւնները շատ քիչ են հազորդում, ըստ մեծ մասին

նորա անունն անգամ չէ յիշուում. նորա խղճալի վախճանն աղքատութեան մէջ միանգամայն անհամապատասխան է ժողովրդական հերոսների բնաւորութեանն: Առիւծի կէս անելն այստեղ մեզ մտ յիշեցնում է Ասուածաշնչի Սամսոնի շահատակութիւնը. վերջինս եւս պատկանում է հնուց դիւցազնների այն բաղմութեանն, որոնք՝ լինելով անբնական ոյժով օժտուած՝ յաղթում են զանազան հրէշների. Ռուստեմ պարսից վէպում սպանում է Սպիտակ Դեւին, հայոց Ահազն, գերմանացւոց Սիգֆրիտը եւ ռուսաց Գորբինեայ կուում են վիշապների հետ, շերակղէս՝ առիւծի հետ, Իզդուբար (Նիմրոզ) ասորական առասպելում յաղթում է թեւաւոր հրէշին: Այս ալեւոր հնութեան պատկանող աւանդութիւններն, որ սկզբում բարի եւ շար ոյժերի կռիւն էին արտայատում, ժամանակի ընթացքում հեշտիւ կարող էին ժողովրդի սիրելիների վերայ անցնել: Այսպիսով եւ այս միջադէպը միանգամայն օտար սերմ է մեր բուն դիւցազնական աւանդութեանց շարքում:

Դաւթի աւանդութեանց ծագումը, հերոսի բուն հայրենիքն, անձնաւորութիւնն եւ անունն, նորա քարոյսական տիպարը:

Հայ դիւցազնական վէպը իսկապէս հանդէս է գալիս Դաւիթ Սասունցու աւանդութիւններում, որոնցում սպաւորուել է հայ ժո-

ղովրդի պատմական վիճակն Արարացոց ար-
շաւանքի ժամանակ, խորը դրոշմել այն գա-
րաւոր ազգային կռիւը, որ ի վերջոյ ի գահ
բարձրացրեց Քաղաառնեաց հարստութիւնն
(885 թ.): Այս անցքերը, որ ժողովրդի աչ-
քում քրիստոնէութեան անհաւատներն վերայ
տարած յաղթանակն էին նշանակում, պէտք է
անջնջելի ապրէին նորա յիշողութեան մէջ, շար-
ժէին նորա երեւակայութիւնն, գործունէութեան
հրաւիրէին նորա ստեղծական ոգին: Թէ՛ կուի
առանձին միջադէպերը եւ թէ՛ ինքեանք գործող
անձինք հարկաւ կարող էին ժամանակի ընթաց-
քում խառնուել, շփոթուել միմեանց հետ, բայց
այն պատմական ծիւղ, որից ծագկել է հայ դիւ-
ցազնական վէպը, միանգամայն պարզ պահպանել
է նորանում իւր բնաւորութիւնն եւ բարձր
նշանակութիւնն:

Արարացիք Հայաստան մտան 638 թ.,
գրեթէ ոչ մի խոշնդոտի չհանգիպելով այնտեղ:
Արշակունեաց հարստութեան անկումից յետոյ
(428) Հայաստանը ծառայութեան էր մտած
մասամբ Յունաց, մասամբ Պարսից, թէպէտ եւ
երկիրը որոշ չափով պահպանած էր իւր ան-
կախութիւնը նախարարների իշխանութեան տակ:
Նորեկները գտան երկիրը աւելի եւս թուլացած
իշխանների փոխադարձ թշնամութեամբ եւ երկ-
պառակութեամբ, արդէն 640 թ. Արարացիք
հասնում են մինչեւ Արարատեան գաւառը,
աւերում Դուին քաղաքը եւ 35.000 բնակիչ
գերի տանում Դամասկոս: Միակ օգնութիւնն,

որի վերայ Հայերը յոյս ունէին, Բիւզանդիոն էր, բայց սա ինքն հաղիւ կարողանում էր իւր սահմանները մահաժամանակնաց հրոսակների գէժ պաշտպանել. Հերակլ կայսրը արդէն ստիպւած եղաւ հրաժարուել Պաղեստինից, կոչելով այնտեղից յունական զօրքերը, ապա ինքն մայրաքաղաքը պաշարեցաւ 668 թ. եւ կրկին աւելի եւս սաստիկ 717 թ.։ Առաւելութիւնը յայտնապէս իսլամի կողմն էր, որի յաղթող սրի տակ կարճ միջոցում իւր գլուխը խոնարհեց ամբողջ դուռը Արեւելքը։

Նոր կրօնը պահանջում էր իրան տարածել սրով եւ հրով, այստեղ լիովին ցոյց տւեց իրան արեւելեան բարբարոսների իշխանութիւնը յաղթւածների վերայ. մեր միջնադարեան պատմագրերի տեղեկութիւններն լի են սոսկալի հալածանաց նկարագրութիւններով, որ յարուցանում էին երկրում ամիրապետի հաւատարիմ ծառաները, սոքա իրանց բոլոր ճիգը թափում էին նորա վերայ, որ տեղական իշխաններին մէկ մէկ որսալ կարողանան եւ արդէն իրանց պետի դրանը մերթ խոտուցներով եւ մերթ սպառնալիքով ստիպեն նոցա ընդունել իսլամ։ Չինայեցաւ նոյն իսկ հոգեւորականութիւնն, որ հակառակ աշխարհական իշխանաց՝ մարտիրոսական մահը գերադասում էր ողու ամօթալի ստրկութեանն. եկեղեցիները իրանց զարգարանքից մերկացան, խաչերը գմբէթներից վերցնել տւին, սուրբ անօթները վաճառւեցին. քահանաներին հրամայւած էր մօրուները գերծել եւ ի նշան

ստրկութեան կապարեայ կնիքներ կրել պարանոցի վերայ:

Արարացոց ոստիկանների միւս հոգսը նորանումն էր, որ ըստ հնարաւորութեան հարուստ հարկ ուղարկեն իրանց պետերին նոցա ողորմած ուշադրութեանն արժանանալու համար. քայքայւած երկիրը շատ անդամ անկարող էր լինում տանել այս ծանր բեռը, եւ մերթ այստեղ, մերթ այնտեղ ծագում էին սպստամբութիւններ, որ արեան հեղեղատով էին ճնշում:

Այս անհասարկութիւնը մանաւանդ սուր կերպարանք ստացաւ վասպուրականում եւ Տուրուբերանում, որտեղ Թ. դարում տեղական իշխաններն արիարար շարունակում էին իրանց իրաւունքները պաշտպանել երկրի անսովի տեղերում: 848 թ. այստեղ է գալիս Զաֆար ալ-Մուտափակիլ (յԱստուած յուսացող 847 — 861) ամիրապետի անունից մի ոմն Ապուսէթ զօրքի մեծ բազմութեամբ հարկ աննելու պարուակով, մայց յայտնապէս դիտաւորութիւն ունենալով այստեղ հաստատել իւր իշխանութիւնն: Ստանալով իւր հարկն եւ տեսնելով Աշոտ Արծրունու եւ Բագրատ Բագրատունու իշխանաց բարեկամութիւնն, Ապուսէթ չփստահացաւ բացարձակ գործել, այլ վերագարձաւ Բաղդադ, յանձնելով իւր իշխանութիւնը Մուսէին (850 թ.). սորանից դեռ առաջ նորա հրամանով Ալայ (կամ Ովայ) հաղարապետը մտաւ վասպուրական եւ սկսեց աւերել երկիրը. ի զուր վասպուրականի տէր Աշոտ Արծրունին

յորդորում էր նորան առնել իւր հարկը եւ հեռանալ երկրից. տեսնելով Ալայի յամառութիւնը, նա յարձակեցաւ վերան եւ կոտորեց նորա զօրքը. ազատեցաւ միայն առաջնորդը քչերով: Հետեւեալ ընդհարումն Արարացոց հետ տեղի ունեցաւ Աղձնիքում (այս գաւառին էր պատկանում Սասունը). Մուսէն յանկարծակի մանում է Տարօն, Բագրատ Բագրատունու երկիրը, մտածելով վերջնական հարւած հասցնել անհնազանդ բնակիչներին. Աշոտ, ստանալով այս նոր գոյժը Բագարատից, շտապում է նորան օգնութեան, եւ միացած հայ զօրքերը շարաշար սրի են մատնում թշնամու գունդը: Արարացիք մի առ ժամանակ արտաքսեցին երկրից, բայց թուլասիրտ իշխաններից ոմանք, երկնչելով խալիֆի վրէժից, շտապեցին բոլոր մեղաւորութիւնն Աշոտի վերայ բառնալ. նոցանից մէկը, Վասակ Արծրունին, երկիւղ կրելով իւր գանձերի համար, որ իւր տան գետնափորում էր թագցրած, անձամբ եկաւ Ջաֆարի մօտ եւ ուրացութեամբ փրկեց իւր կեանքը եւ գոյքը¹: Ջայրացած խալիֆը նոր զօրք ուղարկեց Խսուֆի (Ապուսէթի որդու) առաջնորդութեամբ, հրամայելով նորան բռնել Աշոտին եւ կապանքների մէջ բերել նորան իւր մօտ: Խսուֆ, ըստ օրինակի իւր նախորդաց, սկսեց ասպատակել երկիրը. բայց տեսնելով, որ իշխանները դուրս չեն գալիս իրանց ամրոցներից, զի-

¹ Քաղմաս Արծրունի, Գպր. երկ. Գլ. 2, էջ 113:

մեց խորամանկութեան, բարեկամական գիմակի տակ հրաւիրելով իւր մօտ Բագրատ Բագրատունուն՝ նորան իւր իշխանութիւնն յանձնելու պատրուակով. ամենեւին կասկած չտանելով զարանի մասին՝ Տարօնի իշխանը շտապեց խլաթ, որտեղ Իւսուֆ նորան ձերբակալեց եւ երկաթեայ կապանքների մէջ ուղարկեց Բաղդադ, իսկ ինքն միւս պատանդների հետ գնաց Մուշ ձմերելու: Այն ժամանակ Խութի լեռնականք, տեսնելով, որ իրանց իշխանը գերած է, գարնան սկզբին վայր իջան իրանց լեռներից Յովնանի առաջնորդութեամբ, շրջապատեցին քաղաքը եւ կոտորեցին այնտեղ նստած արաբական հրոսակները. Իւսուֆ փախոււմ պահոււմ է Փրկչի եկեղեցու գմբէթի մէջ, յայց նորան դտնոււմ են այնտեղ եւ աշտէով շամփուրոււմ. «Եւ ես աչօք իմովք տեսի զայրն զայն, որ հարեալն էր գնա, եւ ի նմանէ սուգեցի վասն նորա», աւելացնոււմ է մեր պատմագիրը¹:

Այսպիսի յանդուգն դատաստանն իւր ծառայի հետ հարկաւ չէր կարող ներել ուղղափառաց պետը, եւ հազիւ նորա ականջին հասու: Արաբացոց լեռնականներից պարտութեան լուրը, ինչպէսնա հրամայեց զօրք գումարել իւր ընդարձակ տէրութեան բոլոր մասերից եւ այս ահաւոր բազմութեան հեղեղաօր ուղղեց Հայաստանի վերայ (853 թ.). զօրքի հրամանատար նշանակեցաւ Ջաֆարի ամենամօտ սիրելին՝ Ղարայ

¹ Նշմանդ, ԳԼ. Է. էջ 120:

Բուղայ - էս - Շարապի, որին է պարտական
 Հայաստանը իւր պատմութեան ամենաարիւնակի
 էջերով: Կարձ միջոցում բոլոր հայ գաւառները
 հեղեղեցան արարական հրոսակներից, որոնք
 հասան մինչև Տփղիս եւ առան քաղաքը առանց
 կուրի: Աշոտ Արծրունին, վտանգի մտննալը
 տեսնելով, ամենալաւ համարեց փակել իւր
 Դղեակ ամրոցում, բայց, դաւաճանւած իշխան-
 ներից, ինքնակամ անձնատուր եղաւ Բուղային:
 Արարական զօրապետը ուղարկեց գերի հայ իշ-
 խաններին քափարին, որ հրամայեց նոցա բանտ
 դնել: Աշոտին հետեւեց նորա եղբայրը՝ քաջարի
 Գուրգէնը, որին միայն դաւով կարողացաւ բռնել
 թշնամին: Ընդհանուր վիճակից ազատ մնաց մի-
 այն Բագրատ Բագրատունին, առ երեսս ընդու-
 նելով խլամ, եւ զասակ Արծրունին, որ դեռ
 սորանից առաջ ուրացած էր իւր հայրերի հաւ-
 ատը: Մարտիրոսական պատկը շտապողեց զար-
 դարել քաջաց քաջի՝ լեռնական Յովնանի գլուխը,
 որ շարաշար մահւամբ խալիֆի դրանը անմահ-
 հացրեց իւր անունը ժողովրդի մէջ:

Այս ընդհանուր սուգի ժամանակ
 հանդէս եկաւ մի նոր անձնաւորութիւն, որ
 կրկին բարձրացրեց ժողովրդի վհատած ոգին եւ
 սարսափաարածեց Արարացոց վերայ. դա Գուր-
 գէնն էր, Ապուպելճ Արծրունու որդին: Մի
 շարք փայլուն յաղթութիւններով նա մաքրեց
 երկիրը թշնամուց եւ այնպիսի հռչակ ստացաւ,
 որ ըստ մեր պատմագրի ինքն Բուղան ուղարկեց
 նորան ի պարգևէ՝ նորա քաջութեան համար՝

«Սուսեր իշխանական ընդ մէջ արկեալ եւ գօտի արիական շրջապատեալ զմիջաւ, քուքք (մարակ) խիզախողք եւ երիվար բարձրավիզ, ասնատորոի խրոխտայիր, յարմարական առ ընթացս պատերազմականս: Եւ կացոյց զնա իշխան յիւրում հաւատարիմ տեղւոջ...:»¹

Հերոսի բարձր համբաւը գերեց Անձաւացեաց տիկնոջ Հեղինէի սիրտը, որը իւր ամուսնու մահից յետ, ըստ օրինակի ժողովրդական վէպի հերոսուհու, յայանում է իւր սէրը քաջին.

«Եթէ հաճոյ թուիցին քեզ կնութեան եւ կամիցիս քեզ զտիրելն Անձաւացեաց, գրում է նա նորան, մի վեհերեալ յապաղելով զանտաղկոտ լինիր եւ վերջանար զփութալն:»²

Գուրգէն շտապեց տիկնոջ կոչին եւ տիրեց նորա երկրին: Ամբողջ Վասպուրականը մի առ ժամանակ մնում է նորա ձեռքի տակ մինչեւ հայ իշխանաց վերադարձը գերութիւնից (862 թ.): Երկիրը վերջապէս խաղաղացաւ երկար յուզմունքներից յետոյ, երբ 885ին Անիում թագաւոր օճւեցաւ իշխանաց իշխան Աշոտ Բագրատունին, որին ինքն Ահմեդ ալ - Մուտամիդ խալիֆը (870—892) պարգեւեց արքայական թագ եւ հանդերձ:

Ահաւասիկ այն պատմական հոգը, որի վերայ են աճել Գաւթի աւանդութիւններն: Խառն ի խուռն անցքերը, որ կատաղի փոթորկի նման Հայոց երկրի վերայով անցան, պէտք է

¹ Նոյնտեղ զպր. Գ. ԴԼ. ԺԳ, էջ 198:

² Նոյնտեղ ԴԼ. ԺԵ, էջ 209:

անբարձր սեփականի յիշարարութեան մէջ քան
 միայն: Կրկնու եւ կեանքս անուց կարիք
 միանգամայն ազգային էր: Այսինքն՝ ոչ միայն
 քաղաքական, այլ եւ կրօնական: Եւ այս շուն-
 քամանքն ժողովուրդն անաւելանկէս շեշտում՝ է
 իւր անասն = ազգանք սրերի յիշարարութեան
 նում: Եղբար շեշտար գրեւում է իւր շնչաւոր-
 կութիւններն «խոշ պատրաստի» գրեւութեամբ:
 որ միշտ կրում է աջ թիւի վերայ: «անշուն-
 անկէս»: անկրան Գ: Կանանկանայ քանոր նա
 նորայում է մի քանի անգամ: Կասունի գրեւ-
 ազանք քանակին շնչաւորանախանում է շն-
 քանային իշխանայ իւրերը: սրանք անկէ շնչ
 անգամ թիւկանք էին գարծրան արարական
 վրասանկերը: Գրեւ մի քանի վերանկերն գտար
 չէ մեզ յայնի պատմական անձնաւորութիւն-
 ներում Թանայի: Կան Գրեւ, որ թշնաման
 անանկէս վրանայում է քանիչ քաղաքի
 գաները եւ ինչն քանիչում անն մէջ պահում
 (որն վրանայ եւ սուսիչ է իւր մեկանում):
 Վրաստանայ Կասան Կրեւում կասարեայ
 անգամ է: որ վարկան անիչ պեայ է ինչի
 ժողովուրդի մէջ: Կրեւ մի պատմայիք չէ թեպ-
 քում իւր գարշանքը գեպի այս քանանի իշ-
 խան: «:: Կր Գր մի երկայնիայ Կր ինչ քան
 սորա (Կասանայ) ապիրան եւ ինչանկամ է
 անգամ է անիչիք՝ անանք պատկանանայ մե-
 քարութիւն սորա չէ անանկութեամբ՝ ի թայ
 Գրեւ քանի միջոց յիշարարութեան արարութեան: ... »

Հակառակ արան շեմուցի կոմիտիք: որ թնայինք էր արեւ, արարական շրտակք եւ գարն շամեր մարտիրոսական մաշոմ նաշու- աակի էլ խախտի գրանք: պետք է մարտիրոսի սիրելին գառնար: նորա շիշտակք գիւրին է վեպիս քե՛նոմ կոմիտի սեռնուարս թեան մէջ պարեւ: որ շամ գրայնեքում՝ արանքում է իւր "կարգարգի": Գառնին կառուիք թշնամուն: Թե մարտիրոսք կամեցիք է նորան արեւնակից շինել գլխուար շերտի շեմ՝ ցա շամ թնական է: Աստուծի քարերը կապում էն մ' ազգաբան: Բայց թնայիս գեւ կը սեռնեք: պարեւց այլ էւս շինք կարոց էր թե՛նէլ ազգակցութեան շա- մար: Աստուծի շերտեղբից սեռնք ցայե թնայ- թնում էն իրանց մեկանեանց աակ պատմական տեղեք: որանք յա իրանց քարայնական է: մար- թնական շամկութեանց մարտիրոսից այլ, այլ, սեռնեքում էն մկրտուան: "Գարն" մեկանունն: որ կրում է այս ամբողջ սերունդն: թնայում է ոչ միայն երկրի պատերազմուանք իշխանեքին: այլ ասուիք էւս թնակիչներին: որ միշտ մեր սրերը պաշտանէլ էն իրանց շամնա թնայում- թնինն է: ազատ: կարիք՝ ոչին: միայն շայ- թնայում՝ արատքին տեսիլ շեմ:

Բայց նպանից ոչ մէկում՝ այն աստիճան չէ ազատուիք մամեմեակն է: մարտիրոսի ոչին:

«Կը թեք գերեզման է յաճէն խախտ Կոմիտե տեան: առ այն է: որ միշտ կարեք քաշում է սպարտն մտեկից նորա է Հայո՛ կեան թեզգեմ նորա թնայից թ- քինն է: զարտուս մեռանն շառլա է միայն արտաք սրարեք: 12 Գ4: ԺԿ: Ե՛ր 100:

ինչպէս Գաւթի անձնաւորութեան մէջ. նա երկիւղած է, մեծահոգի, անշահասէր, արդար, նեղեալների պաշտպան՝ յատկութիւններ, որ ժողովրդի աչքում ամենաբարձր գնահատութիւնն ունեն: Նորա վերայ է կենդրոնացած վէպիս բոլոր գործողութիւնն, նա է սկսում եւ վերջացնում «անհաւատ» Մորամելիքի հետ կռիւր: Աշտ Արծրունու նման նա էրկանգամ արտաքսում է երկրից հարկահան Աուզբազինին (որ հաւանօրէն ծաղրանուն է ինչ = սապատող եւ արար. ۵۳۵ բազին = պարար բառերից կազմած) եւ սպանում նորա մարդկանց: Մորամելիքի մահը, որ ընկնում է հերոսի ձեռքից, պէտք է ժողովրդին յիշեցնէին այն ուրախալի օրը, երբ անգութ Իսուֆը շամփրեցաւ Խութի լեռնականներից:

Նմանապէս Գաւթի վերայ կարող էին անցնել Գուրգէն Արծրունու մի քանի շահաստակութիւնները, որ իրօք արժանի նիւթ էին մատակարարում ժողովրդական վէպի համար: Երկու հերոսների կենաց մի քանի մանրամասնութիւնները մեզ հիմք են տալիս նոցա անձնաւորութիւններն ձուլելու.

ա. Գաւթի ինչ ինչ աւանդութիւններում «ողիճկերի տղայ» է կոչւում, որ նմանութիւն է բերում Գուրգէնի հօր «Ապու-պելճ» անունը:¹

բ. Գուրգէնի ամուսնութիւնն Անձաւացեաց տիկնոջ հետ իւր սիրահարական մանրա-

¹ Գուրգէն օրդի Ապու-պելճի Աստղուբական իւրաքանչիւր, ԳԼ. ԺԳ. էջ 194:

մանութեամբ՝ մօտ յիշեցնում Գաւթի եւ
Խանդութ խաթունի պսակը:

գ. Արարական զօրապետից Գուրգէնին
պարգեւած զէնքերը բառացի համապատասխա-
նում են Գաւթի հայրական «թուր կէծակին,
ոսկի քեամարին եւ քուռկիկ ջալադին»:

Գուրգէն Արծրունու հերոսագործութիւն-
ները գուցէ դեռ նորա կենաց ժամանակ կազ-
մում էին ժողովրդական երգերի նիւթ, որոնց
մէջ է պարելու Գաւթի աւանդութեանց
սկզբնական սերմը: Բնականաբար Գուրգէն-
Գաւթի վերայ ժամանակի ընթացքում կարող
էին եւ Աշոտ Արծրունու, անգամ Խուժեցի
Յովնանի շահատակութիւններն կուտակուել. այս
տեսակէտից Գաւթի անձնաւորութիւնն — — —
+—+ պէտք է համարել, որի մէջ է մարմնացել
սրբազան կուռի գաղափարը յանուն հոգեւոր
եւ մարմնաւոր ազատութեան:

Այսպիսի մի հռչակաւոր հերոս, որ հարըս-
տահարւածների պաշտպան է հանդիսանում եւ
սրի մի հարւածով գետին տապալում հսկայ
Մսրամելիքին, ժողովրդին իսկապէս Գ—՛ն պէտք
է թւար, որ սպանում է սոսկալի Գողիւթին:
Համեմատութիւնն շատ հրապուրիչ էր, եւ այս
անունն ժողովուրդը ընդ միշտ իւր սիրելի գիւց-
ազնին է յատկացրել: Բայց նա միեւնոյն ժա-
մանակ լաւ յիշում էր, որ Ասուածաշնչի
Գաւթիթը, նախ քան թագաւոր օժեւնը, իւր հօր
հօտն էր արածում եւ զանազան գազանների
հետ մենամարտում.

«Եւ Գաւիթ զնացեալ (ընդ եղբարս իւր) դարձաւ ի Սաւուղայ արածել զոչխարս հօր իւրոյ ի Բեթղահէմ...»

«Եւ ստէ Գաւիթ ցՍաւուղ. Արածէր ծառայ քօ զխաշինս հօր իւրոյ, եւ յորժամ գայր առիւծ կամ արջ եւ առնոյր ոչխար ի հօռէ անտի, ելանէի զհետ նորա եւ հարկանէի զնա, կորզէի ի բերանոյ նորա. եւ եթէ յառնէր ի վերայ իմ, ունէի զփողից նորա եւ հարկանէի եւ սպանանէի զնա:»¹

Այս միջադէպը հայ ժողովուրդը վերին աստիճանի հետաքրքիր կերպով է մշակել. արդարացնելու համար «ծուռ» անունն, որ նա իւր հերոսին է տալիս, նա ստիպում է երիտասարդ հովիւին բերել հօտի հետ խառնել առիւծներ, արջեր եւ այլ գաղաններ, որոնք հնազանդ են նորա գաւաղանին: Նմանապէս գեւերի եւ աւազակների հետ կռիւր նոյն աղբիւրին է վերագրելու:

Ըստ երեւութին, նոյն հողի վերայ է հաստատուել Գաւթի եւ Չէնով ԅովանի ազգակցութիւնն. Հին Կտակարանի տեղեկութիւնն արքայորդի Ե-ճ-Ն-Նի սիրոյ մասին առ Գաւիթ («Եւ ոգի ԅովնաթանու կապեցաւ ընդ ոգւոյն Գաւթի, եւ սիրեաց զնա ԅովնաթան ըստ անձին իւրում» Թագ. Ա. 44, Ժբ. 1) եւ վերջինիս ազգականանալն նորա հետ արդէն բաւական հիմք են տւել ժողովրդին մեր վէպի երկու հերոսին եւս միմեանց արիւնակից ճանաչելու:

¹ Թագ. Ա. 44, ԺԷ. 15, 34, 35:

Բայց մեր ժողովրդական Յովանն « ձենով » է կոչուում. առասպելական միջին մեկնութիւններն հազիւ թէ իրաւամբ այստեղ իրանց տեղ գտնել կարողանային. այս տարօրինակ յատկութիւնն բնական է վերագրել ընտանեաց, որոնք յաճախ ստիպւած են լինում հեռաւոր տարածութեան վերայ միմեանց հետ խօսելու եւ որոնց ձայնին բոմբիւնն « իրրեւ ի վիմաց ինչ արձագան լինելոյ կարծիս բերէ » . . .¹ : Չափազանցութիւններն անխուսափելի են, երբ պատմական զրոյցն՝ զարգանալով՝ հետզհետէ վերական բնաւորութիւն է ստանում :

Հերոսի մենամարտն իւր նշանաձի հետ ծանօթ նիւթ է եւ ուսաց ժողովրդական վէպին : Գունայ (Գանուբ) զիւցաղն գնում է Ախտաւացոց թագաւորի մօտ՝ նորա գտեր ձեռքը իշխան Ալադիմիրի համար ուղելու : Ստանալով հօր համաձայնութիւնն, նա հարտի հետ վերադառնում է Ախլեւ. ճանապարհին նոցա յետեւից է հասնում մի անծանօթ կտրիճ, որի հետ Գունայ կուի է բռնուում եւ ձիուց գետին գլրում. արդէն նա պատրաստ է մահացու հարւածն իջեցնել, երբ յանկարծ դուրս են ցատկում զգեստի տակից մի զոյգ « սպիտակ ծրծեր », եւ հերոսը իսկոյն ճանաչում է հարտի քրոջն, որի հետ նա պսակում է : — Գերմանական վէպի զիւցաղնուհին, արքայագուստը Բրիւնհիլտան, որի սէրն է գրաւում Սիգֆրիդ՝ անցնելով հրավառ պատնէշից, նմանագէտ պատկանում է այս

1 Տե՛ս մեր « Յառաջորանն » :

կորիճ կանացի տիպարին, որ յաճախ հանդէս է գալիս արեւելեան զրոյցներում:

Այստեղ հետաքրքրագոյնն այն է, որ Յունաց Յովհաննէս Չմեշկիկ կայսրն (969—976) իրրեւ կինարմատ է հանդէս գալիս, շարունակելով կրել իւր «սուլթան» տիտղոսն: Թէ կայսր անունն ժողովրդականութիւն էր վայելում՝ Արեւելքում՝ վերագրելու է թէ նորա ծննդատեղին (Հայաստանում) եւ թէ նորա արարական արշաւանքին, որ փառաւոր յաղթութեամբ պսակեցաւ. ըստ վկայութեան Մատթէոս Առահայեցու՝ Չմեշկիկ անցնում է Տարօնի միջով եւ իջեւանում Մուշ քաղաքում, որտեղ «սիրոյ ուխտ» հաստատելով Հայերի հետ՝ Աշոտ թագաւորից օգութիւն է ստանում¹: Բայց Չմեշկիկ մեր ժողովրդական վէպում դաւթի «նշանածն» է կոչւում, որին հերոսը դաւաճանում է. այս տարօրինակ կերպարանափոխութիւնն հիմնւած պէտք է լինի այն աւանդութեան վերայ, որ կայսր մասին պտըտում էր Արեւելքում. ըստ նոյն պատմագրի՝ Չմեշկիկ գալիս պաշարում է Ամիգ (Տիգրանակերտ) քաղաքը. «իսկ տէրն Ամիգ քաղաքին կին էր, որ էր քոյր Համանոյ ամիրային Տաճկաց: Եւ յառաջ ժամանակաց թագաւորն խառնակեալ էր ընդ նմա մեղօք, եւ վասն այնորիկ չարար հնարս առնելոյ զքաղաքն Ամիգ . . . եւ թողեալ զԱմիգ վասն կնոջն իւր. եւ վասն զի Չմեշկիկ ի գաւառէն

¹ Պատմութիւն Մատթէոսի Առահայեցոյ. Երուսաղէմ, 1869, էջ 21:

Խողնայ էր, ի տեղւոյն, որ այժմ կոչի Չմէկա-
 ծագք, եւ կինն ի նմին սահմանացն էր: ¹ Իւր
 հերոսի մահն հիմնաւորելու համար, որ ընկնում
 է իւր դաւաճանութեան համար Չմէշկիկ Սուլ-
 թանի ձեռքից, ժողովորդն անդիտակցարար
 փոխադրել է վերոյիշեալ աւանդութիւնն Պաւ-
 թի վերայ, կայսեր անունն տալով նորա սիրու-
 հուն:

Գութնաւարի հետ միջադէպը տեղի ունի
 եւ ուսաց դիւցազնական վէպում. միայն այս-
 տեղ հերոսն ինքն գութնի տէրն է հանդիսա-
 նում: Աչ իշխան Աշղգան եւ ոչ նորա կտրիճ-
 ները չեն կարող գութանն հողից հանել. իսկ
 նորա տէրն մի ձեռքով է վերցընում նորան եւ
 դնում ճանապարհի մի կողմը: Աինկիննատին
 հոռովեական պատգամաւորները գտնում են գու-
 թանն անձամբ քարշելիս, երբ գալիս են նորա
 մօտ՝ թշնամեաց դէմ նորան առաջնորդ ըն-
 տրելու:

Իրանի հերոսների մասին աւանդութիւն-
 ները դեռ հնումն պէտք է ծանօթ լինէին Հայե-
 րին. այս հանգամանքի վերայ գոնէ մասնացոյց
 է անում Խորենացու մի նկատողութիւնն, որով
 նա երիտասարդ իշխան Սահակ Բագրատունուն
 է դիմում. « Եթէ կամիս, ստեմ եւ ես յաղագս
 նորա (Տորքի)՝ անյաջ եւ փցուն, որպէս Պար-
 սիկք վասն Բոստամայ Սագճըկի՝ հարեւր եւ
 քսան փողոց ոյժ ասեն ունել »: ² Պարսից հերոս-

¹ Նոյնտեղ, էջ 22—23:

² Խորենացի Գեղեք Բ. ԳԼ. Ը:

ներից ունիք, ինչպէս Ռուստամ, պէտք է հրապարեին հոյ ժողովրդի համակրանքն ոչ միայն իրանց մարմնական, այլ և բարոյական յատկութեանց շնորհիւ, պատրաստի օրինակ ծառայելով նորա նորագոյն սիրելիներէ համար, չայ դիւցազնի վերայ անտարակոյս անցել են հռչակաւոր պարսից հերոսի մի քանի սովորութիւններն. նոքա երկուսն ևւս

-. շատակեր են,

բ. սիրում են որսորդութիւն,

գ. թշնամուն կէս են անում,

դ. ծառն արմատից հանում ևւ այլն.

Ռուստամի կենաց մի քանի միջադէպերը ժողովուրդն ուղղակի իւր վէպն է փոխադրել.

-. Դաւիթ, Ռուստամի պէս, կուի է բանում իւր որդու հետ:

բ. երկու հերոսն էլ բնկնում են թշնամոյց պատրաստած հորի մէջ. Ռուստամ այստեղ իւր վախճանն է գտնում¹, մինչդեռ Դաւիթ իւր «խաչ Պատրազի» զօրութեամբ կրկին դուրս գալիս լոյս աշխարհ:

Ղերջապէս, երկու դիւցազն էլ ունեն իրանց իմաստուն նժոյգներն (Ռախշ, Ջալալ), որոնք յաճախ զգուշացնում են իրանց տէրերին թշնամու դարանից:

Բայց ի նկատի առնելով իրանական վէպի լայն հռչակն, հեշտիւ կարելի է չափազանցութեան մէջ մտրտել: Արշափ էլ զօրեղ լինի ազ-

¹ Տես իմ «Իրանի հերոսները հոյ ժողովրդի մէջ»:

գերի փոխադարձ կուլտուրական ազդեցութիւնն, վերջինս, յայտնի պայմաններում, որոշ սահմաններից չէ անցնում. ամէն մի ազգունի իւր աշխարհայեցողութիւնն, իւր մտածելու եղանակն, իւր ստեղծող ոգին: Վերջիշեալ պարսից ազդեցութիւնն ընդհանրապէս զգալի է միայն արապին մանրամասնութիւններում եւ կամ պատահական միջագէտներում, որ դարերէ ի վեր կուտակուել են մեզանում: Չպէտք է մոռանալ, որ

ա. հայ գիւցազնական վէպն ըստ իւր էականութեան *դարձ-չէ* հողի վերայ է աճել եւ զարգացել.

բ. Սասունի քաջարի կռիւն եկեօր թշուափների հետ կազմում է այս աւանդութեանց գլխաւոր հանգոյցն եւ ամբողջացնում նոցա.

գ. Վերջապէս, վէպիս գլխաւոր հերոսն՝ Գաւիթ Սասունցին՝ միանգամայն տարբեր յատկութիւններով է հանդէս գալիս. նորա յամառ, «ձուռ» բնաւորութիւնն, բարեպաշտութիւնն, անձնուէր, կարիճ ոգին պատկանում են այն ժողովրդական շրջանին, որի մէջ է ծնել նորա գիւցազնական տիպարն. նա երեւակայութեան արդիւնք չէ եւ ոչ էլ առասպելական հերոս, այլ *էր-չէ*, կենդանի պատկեր, որ գիւցազանց շարքն է մտած: Նորա ամբողջ անձնաւորութիւնն այն աստիճան ձուլել է ժողովրդի հետ, որ ամենայն իրաւամբ նորան է պատկանում հայ ազգային հերոսի համբաւն:

Մերի առասպելն:

Հաս ազգաս են մեր տեղեկութիւններն
 Հայոց հնազոյն առասպելաբանութեան մասին.
 ոչ միայն ժամանակն, այլ և եկեղեցու նախան-
 ձախնդիր պաշտօնեայք աշխատել են բնաջինջ
 առնել ժողովրդի մէջ հեթանոսութեան այս
 մնացորդն: Օրինակն մեր աչքի առջեւ է. մեր
 բարեպաշտ պատմագիրն չէ թագցընում իւր
 ատելութիւնն դէպի հեթանոս «փժուս և ան-
 ճոռնի», աւանդութիւններն, այլ միայն իւր երի-
 տասարդ մեկենասի կամքն կատարելով, ակամայ
 յիշում է Ռուբասոյ Աժդահակի առասպելն.
 «զորոց ատեմք զբանս և զգործս, և այնոցիկ
 մանաւանդ թէ լուրն զսելիս մեր տաղակացու-
 ցանէր, այսօր ձեռամբ իմով շարագրեմ զայնու-
 սիկ»,¹ ասում է Խորենացին, իրբև մի ծանր
 լուծ վերան առնելով: Սակայն ինքն ժողովուրդն
 հեռու էր այս տեսակէտից և ախորժելով
 ականջ էր դնում իւր գուսանաց երգերին:
 Մ. Խորենացու յիշած զրոյցներն ըստ մեծ մա-
 սին հատուկօր են, անկասկ և շատ անգամ
 մթութեամբ քողարկւած: Նոցանից և ոչ
 մեկում չենք գտնում մեր զիւցազնի անուան.
 սակայն պահպանուել է մի աւանդութիւն, որ
 մեզ համար մեծ հետաքրքրութիւն է ներկայ-
 ացընում: Արտաշէսի մահից յետ, որ ժողովրդից
 շատ սիրւած էր, թագաւորում է նորա որդի Ար-

1 Մ. Խորենացի «ի պարտից առասպելաց» Ա. զբրէ
 վերջում:

տաւազդը, այս առթիւ Գողթան գաւառի երգիչ ք
 դեռ Խորենացու ժամանակ հետեւեալն էին աւան-
 դում՝ « Ի մահուանն Արտաշիսի բազում կոտո-
 բածք լինէին ըստ օրինի հեթանոսաց. դժուարի,
 սսեն, Արտաւազդ՝ սսելով ցհայրն. Մինչ դու
 գնացեր, եւ զերկիրս ամենայն ընդ քեզ տարար,
 ես աւերակացս որպէս թագաւորեմ: Վասն որոյ
 անիծեալ զնա Արտաշիսի՝ սսաց այսպէս. եթէ
 դու յորս հեծցիս յազատ ի վեր ի Մասիս, զքեզ
 կայցին քաջք, տարցին յազատ ի վեր ի Մասիս,
 անդ կացցես, եւ զլոյս մի տեսցես: »

Հօր անէծքն ճշգումեամբ կատարուում է.
 մեր պատմագիրն ապա շարունակում է.

« Ձրուցն զամանկ եւ պառաւունք, եթէ
 արգելեալ կայ (Արտաւազդ) յայրի միում՝ կա-
 պեալ երկաթի շղթայիք. եւ երկու շունք հա-
 նապաղ կրծելով զշղթայն, ջանայ ելանել եւ
 առնել վախճան աշխարհի, այլ ի ձայնէ կոտ-
 նարկութեան դարբնաց զօրանան, սսեն, կա-
 պանքն: Վասն որոյ եւ առ մերով իսկ ժամա-
 նակա՝ բազումք ի դարբնաց, զհետ երթալով
 սասսպելին, յաւոր միաշարաթուոյ երիցս կամ
 շորիցս բախն զսայն, զի զօրացին, սսեն,
 շղթայքն Արտաւազդայ »¹:

1 Մ. Խորենացի, Գիրք Բ. զԼ. ԿԱ. Հմմտ. եւս
 Եզնիկ Կողբացի՝ « . . . սնն Արտաւազդ անուն արգելեալ
 էցէ դիւաց, որ ցայժմ կենդանի կայ, եւ նա ելանելոց է
 եւ ունելոց զաշխարհս . . . » (« Ընդգեմ ազանդոց » Ա. ին):
 Աւշարկութեան արժանի է, որ այստեղ Արտաւազդ ոչ թէ
 թագաւոր, այլ լոկ «ճ» է կոչում, եմթագրելու է, որ
 Եզնիկ ի նկատի է ունեցել մեզ յայտնի աւանդութեան
 տարբեր հիւսածք:

ՄՏերի եւ Արտաւազդի աւանդութեանց
ամենաթեթեւ համեմատութիւնն անգամ վկայ-
ում է յօգուտ Նոյա նմանութեան. եւ իրօք,
երկու դիւցազն եւս

«. անզաւակ են,

է. իրանց հայրերից անիծւած,

զ. գանգատում են իրանց վիճակի մասին
հայրերի մահից յետ եւ պատասխան ստանում
նոցա գերեզմանից,

դ. անհետանում որսորդութեան ժա-
մանակ եւ

ե. փակուում այրի մէջ, որանշ մնում են
մինչեւ ցայսօր:

Ըստ Խորենացու՝ «վիշապազունք գողացան
զմանուկն Արտաւազդ եւ դեւ փոխանակ եդին»,
ՄՏերի մեծ մայրը փակում է Նորան «՛ զոան
յետեւը», որ խորտակում է մանուկ դիւցազնն
եւ դուրս գալիս լոյս աշխարհ:

Անտարակոյս մենք գործ ունենք այստեղ
բարեբախտ անասակի հետ, որ հնումն ազգէ
ազգ էր թափառում. ամառն անցնելուց յետ,
երբ երկրիս կանաչ զարդարանքն չորանում
մեռնում է (Արտաշէս, Դաւիթ), կենսատու ա-
րեւն (Արտաւազդ, ՄՏեր) թագնւում է մութ
ամպերի թանձր շերտերի տակ, որպէս զի ժա-
մանակը լրանալիս կրկին իւր երեսն ցոյց տայ:
Հերոսի նոյն իսկ անունն ճշտում է այս ենթա-
գրութիւնն. հին Պարսից լուսարեւր աստ-
ւածը Միթրա էր կոչուում, որ հաւա-
նորէն եւ հայ շաստուծոց տաճարն է մտել:

(Հմմտ. Աբեմենեան Արտաշէս Բ.ի արձանագրութիւնն Համադանում. «Աւերամազդա, Անահիտա եւ Միթրա թող ինձ փրկեն չարից...»)

Ռուսաց ժողովուրդն այս առասպելն հետեւեալ կերպով է աւանդում. Ավետաագոր դիւցազնն, որին «հողը այլ եւս չէ պահում», Մհերի նման, ծանապարհին պատահում է մի դադաղի: Մտնելով նորա մէջ, նա՝ շնայած իւր բոլոր ջանքին՝ այլ եւս չէ կարողանում այնտեղից դուրս գալ. նորա ուղեկից դիւցազն խլեայի սրի ամէն մի հարածից դադաղի երկաթներն միայն կրկնապատկում են. այն ժամանակ Ավետաագոր խնդրում է խլեային թողնել նորան այնտեղ եւ փչելով նորան է աւանդում իւր դիւցազնական ոյժն:

Միթրան առաջին անգամ յիշում է Աւեդայում եւ Ավետայում,¹ բայց ոչ իբրեւ արեւ, լուսին կամ մնորակ, այլ իբրեւ լոյս, երկնից

1 Աւեդան («գիտելիք») Հնդիկների ամենահին կրօնական յիշատակարանն է, ինչպէս հին Առակարանը՝ Հրէից-բաղկացած է 4 մասերից՝ Ռիգ (երգ) — Սամա (չարական) — Կաջուր (աղօթք) եւ Աթարվա — (կախարդական խօսք) կամ Բրահմայ վեդայից:

Ավետան բուն իրանական աշխարհայեցողութեան գրաւոր աղբիւրն է, որ նմանապէս բաժանուած է 4 մասերի՝ ա. Կամա (աղօթք) բ. Ախտերեզ (նոյնը) գ. Ահնդիդազ (կրօնական եւ հասարակական կեանքին վերաբերեալ օրէնագրութիւններ գ. Խորդա (փոքր) Ավետա, որ պարունակում է իւր մէջ փառարանական երգեր Միթրային, Անահիտի եւ այլ աստուծոց ներած: Ամբողջ Ավետայից մեզ հասել է միայն մի հատուած, պահլաւերէն թարգմանութեամբ, մինչդեռ մեծ մասը կորսուած է Յունաց եւ Պարթևաց տիրապետութեան ժամանակ:

Հետ անբաժան, որ մի կողմից Վառունայ (Ὀὐρανός), միւսից՝ Ահուրայ է կոչուում. « Հակելով առանց քնի, նա պահպանում է Մազդայի արարածը զեւերի չարեաց դէմ » (Ավեստայ, ժեւաշա)։ Իբրեւ լուսատու զօրութիւն, Հետեաբար նա պէտք է լինէր եւս պարհապարհիւն եւ փնտրող (𐬨𐬀𐬎𐬎𐬎𐬎) աղբիւր. Միթրան « տալիս է աճումն, տալիս է առատութիւն, տալիս է խաշինք, տալիս է ժառանգութիւն եւ կենանք » (Նոյնտեղ)։ Բայց նա ոչ միայն մարմնաւոր բարիքների, այլ եւ հոգեւոր յատկութեանց պարգեւատու էր. թագաւորաց եւ պատերազմողների հովանաւոր՝ նա իրան ընկերակից ունէր Վերեթրագնա (այլապէս՝ Արտագնէս, յաղթութիւն), մեր Վահագն ասուածը, իբրեւ ճշմարտութեան պաշտպան՝ Արառային։ Արամազդի եւ Ահրիմանի՝ բարի եւ չար դից մէջ նա ունէր իւր որոշ ասուածային տեղը. թէպէտեւ արարած Արամազդի, սակայն նա սերտ միացած էր նորա Հետ այնպէս, ինչպէս լոյսը երկնակամարի Հետ։ « Ես ստեղծեցի Միթրային, որպէս զի նորան այնչափ բարձր պաշանն, այնչափ մեծարենն, ինչպէս Ահուրամազդայիս, ինձ ինքնիստ ասում է Իրանի ծայրագոյն ասուածը Զրադաշտին (Միհր հաշա I)։¹

Տարւայ 7^{րդ} ամիսը եւ ամէն մի ամիս 16^{րդ} օրը նւիրւած էր Միթրայի պաշտամունքի

¹ Franz Cumont, «Les Mystères de Mithra» Paris, 1902. p. 8. Գիրքը նոր է լոյս տեսած եւ պարունակում է իւր մէջ քսիս եւ թարմ նիւթ Միթրայի պաշտամունքի պարհապարհիւն վերաբերեալ։

արարողութեանն. ըստ Կտեսիասի՝ թագաւորն ինքն ի պատիւ նորա կատարում էր հեղման խորհուրդը եւ կաքաւում սրբազան պարեր: Ամբողջ առաջաւոր Ասիայում մի ժամանակ իշխում էր Միթրականա կոչւած պաշտամունքն, որի ազգեցութիւնն նկատելի է նոյն իսկ հեթանոս Հայերի մէջ. հայ օրացոյցի Մեհականն ածուշա՝ «Միթրականի», աղաւաղումն է:

Միթրան բաւական ուշ է մտել արեւմտեան ազգերի դից տաճարը, իսկ հելլենական աշխարհին նա միշտ մնացել է օտար: Ամենահին տեղեկութիւնը նորա մասին քաղում ենք Պլուտարքից, որ հետեւեալն է աւանդում Սիկիլիական ծովային աւազակների մասին՝ «նորա Ողիմպոսի վերայ օտար զոհեր էին մատուցանում եւ գաղանի արարողութիւններ կատարում, որոնցից Միթրայինը, որ առաջ ժամանակի նորացոյց տւած էին, մինչեւ այժմն պահպանել է:»¹ Յամենայն դէպս միայն Ա. դարի վերջերում (ն. Ք.) Միթրայի մասին առաջին անգամ խօսել սկսեցին Հռոմում, ապա զարմանալի արագութեամբ Պարսիցաստուծոյ պաշտամունքն տարածեցաւ հռոմէական ընդարձակ տէրութեան բոլոր մասերում.² Նորա հետքերը գտնուած են ոչ միայն Բարելոնում, Սիդոնում, Կեսարիայում, Տրապիզոնում, այլ եւ Մեմփիսում, Բալիկանեան թերակղզում, Սիկիլիայում, Կարքեդոնում, ամբողջ Իտալիայում, Գերմանիայում, Սպա-

¹ Plutarchus: Vita Pompeji c. 24.

² Cumont, p. 31.

նիայում, անգամ Անգղիայում: Կեր ժողովուրդական «ՄՏերի դուռ» (Անայ քարը) իւր խորհրդաւոր անւան մէջ հաւանորէն պահպանել է խուլ յիշողութիւն իրանական լուսարեր աստուծոյ մասին, որի տաճարը գուցէ Անայ մտակարան է պարելու:

Շիւեյով զանազան ազգերի դից հետ, Միթրան բնականապէս պէտք է կորցնէր իւր սկզբնական գերը, որ նորան նւիրել էր հին պարսից կրօնը: Բարելուում նա ձուլեցաւ Շամաշի (արեւի) հետ եւ սոյն նշանակութիւնն պահպանեց միւս ազգերի համար:

Միթրային՝ նորա խորագիր քարաքանդակները սփռարարար ցուլասպան են ներկայացընում. աջ եւ ձախ կողմում կանգնած են երկու պատանիներ՝ պառտէս եւ պառտոպատէս՝ լապտերները ձեռներին. առաջինը իւր լապտերը վերեւ է բռնած, երկրորդը՝ գլխի վայր: Այս երրորդութիւնն իսկապէս ձուլած է մի անձնաւորութեան մէջ. միեւնոյն արեւն է, որ առաւօտեան (գարնանը) բարձրանում է լեռների յետեւից, կէսօրին (ամառը) հասնում իւր գագաթնակէտին, իսկ երեկոյեան (ձմեռը) իջնում երկնակամարից մթութեան անդունդը:

Հետեւեալ աւանդութիւնն, որ մանրամասն նկարագրում է Միթրայի ծնունդը եւ հերոսագործութիւնները, կարող էր միայն պարզամիտ խաշնարածների մէջ հիւսել, որոնց համար ցուլը հարկաւ սրբազան եւ թանկագին կենդանի պէտք է լինէր:

«Ծանդաժայր», Գլխարկին աշխարհ է բերել մի գեաի ափին, սրբազան ծառի ստուերին ներքոյ, եւ միայն հովիւները ներկայ են եղել այս հրաշքին.¹ մանկան գլուխը ծածկած էր փոխգական գդակով, աջ ձեռքում նա արդէն բռնած ունէր դանակ, ձախում՝ լապաեր, որ կը լուսաւորէր խաւարը: Հովիւները մատուցին նորան իրանց խաշինքի եւ հունձքի՝ «առջինեկները»: Մանուկ գիւցազն մերկ էր եւ հողմերի սաստկութեանն ենթարկւած. նա պատսպարեցաւ թզնու ճիւղերի տակ, նորա պտուղներից կերակրուելով եւ նորա տերեւներից իրան զգեստ շինելով: Երբ երիտասարդական հասակը մտաւ, կամեցաւ իւր ոյժը փորձել երկրիս հզօրագոյն արարածների հետ. նորա առաջին մարտը Արեւի հետ էր. սա, զգալով իւր հակառակորդի առաւելութիւնն, չօքեց առջեւ եւ ճանաչեց նորա հովանաւորութիւնն. Գլխարկին հանեց նորա գլխից ճաճանչափայլ ճառագայթները եւ դրեց իւր գլխին: Այդ օրից երկու գիւցազունք երդուեցին յաւիտեան միմեանց դաշնակից լինել:

Գլխարկի երկրորդ հերոսագործութիւնը՝ վայրի ցուլը զսպելն էր: Պատահելով կատաղի կենդանուն, նա բռնում է նորա եղջիւրներից եւ ցատկում նստում վերան. ցուլը փորձում է վայրի փախստեամբ գեաին գլորել իւր բեռը, բայց շուտով զգում է իրան յաղթւած. Գլխարկն շալակում է նորան, բռնելով նորա

¹ Այլ արձաններում Գլխարկն շառից է ծնում:

յեանի ոտերից, եւ տանում իւր խրճիթը: Բայց ազատութեան սովոր կենդանին չէ կարող հաշուել իւր գերութեան հետ եւ կրկին փորձ է անում փախչելու, այն ժամանակ Արեւը ագռաւի միջոցաւ հրաման է ուղարկում Միթրային՝ սպանել անհնազանդ կենդանին. դիւցազնը հակառակ իւր կամաց կատարում է այս արիւնալի գործը: Այստեղ տեղի ունեցաւ մի մեծ հրաշք. ցլի մարմնից երկիրը կանաչով ծածկեցաւ, նորա ուղեղից գոյացաւ սերմ եւ արիւնից՝ հաղողի թուփ. նորա հոգին Միթրայի շան ուղեկցութեամբ վերացաւ երկինք, որտեղ իրրեւ խաշինք հովանաւորող զօրութիւն Սիլվան անւամբ ասուածացաւ: Այսպիսով ցլասպան դիւցազնը եղաւ ստեղծող բոլոր աշխարհային բարիքների, եւ այն մահւամբն, որ նա պատճառեց, ծնեց նոր կեանք, աւելի հարուստ եւ բարգաւաճ:²

Բայց սորանով դեռ չեն վերջանում Միթրայի արկածները. Ահրիման, չարութեան ասուածը, նախանձելով, անապատ դարձրեց կանաչազարդ դաշտերը, ցամաքացրեց ջրերը.

¹ Յիւմարտը, որ ցոյսօր պահպանուել է հարուստին Գազդի-այում եւ Սպանիայում, Միթրայի պաշտամունքի Քաջորդը պէտք է համարուի:

² Museum für Alterthumskunde, Wiesbaden Nr. 239. Ամբողջ ասանդութիւնն փորագրւած է քառանկիւնի քարաքանդակի երկու երեսի վերայ, որի միջին մասը (ցուլ սպաննելը, ցուլը արգէն սպանւած) մի ժամանակ պարտելի էր եղել: Քարս պատկանում է Heddernheim-ում վերջերս գտնւած Միթրայի տաճարին:

սարսափած բնակիչք աղաչանօք դիմեցին իրանց հզօր պաշտպանին, եւ Միթրան նետով ծակեց ապառաժը, որտեղից յորդառատ ջուր սկսեց հոսել (Հմմտ. Մովսէս մարգարէն): Ջրհեղեղից յետ, որից միայն մի մարդ ազատեցաւ իւր տապանի մէջ, երկերը հրոյ ճարակ դարձաւ, բայց մարդիկ այս անգամ եւս փրկւեցին կորուստից աստուծոց օգնութեամբ:

Կատարելով իւր կոչումը երկրի վերայ՝ Միթրան նստաւ Արեւի քառալուծ կառքը եւ միւս դից հետ երկինք վերացաւ:¹

Ահաւասիկ հին Պարսից աւանդութիւնը Միթրայի մասին, որ արեւելեան ազգերի մէջ ցայսօր դեռ կենդանի է, թէպէտ եւ այլայլած եւ քայքայւած.² եւ յիրաւի, մեր ժողովրդական Մհերը, որ մենամարտում է «Առաջին» հետ նոյն Միթրան է, որ յաղթում է երկրիս ճառագայթակիր լուսաբերին:

Բայց հայ աւանդութեան վերայ դրոշմւել է բարեւոնական մի այլ առասպելի հետք եւս. աստեղամարտիկ Մհերը մեզ մօտ յիշեցնում է բարեւական վէպի դիւցազն Իզգուբարին (Նեբրովդին): Երբ Ելամացիք նւաճում են Երեւոյս քաղաքը, Իզգուբար կիսաստուած Իս — բանիի օգնութեամբ սպանում է թշնամեաց Խումբարայ թագաւորին եւ փրկում քաղաքն: Հերոսի վերայ սիրահարւում է Իշտար դիցուհին³, բայց

¹ Cumont pp. 109—116.

² Ցես իմ «Իրանի հերոսները հայ ժողովրդի մէջ».

³ Իշտար Բարեւական դիցուհի է, որ համապատասխանում է Երեւոյս քաղաքին.

Հերոսն, որպէս զի շնթարկւի իւր նախորդների՝
 Իշտարի սիրականների՝ տխուր վիճակին, մեր-
 ժում է նորա սէրն: Անպատուած դիցուհին խըն-
 դրում է այն ժամանակ իւր հայր Անուին ստեղ-
 ծել մի «երկնից աստղ», որ պէտք է ոչնչացնէ
 Իդրուբարին. բայց դիւցազնն այս անգամ եւս
 յաղթող է հանդիսանում իւր հաւատարիմ
 ընկերոջ օգնութեամբ:

Այստեղից սկսում է մի մեծ պակասորդ:
 Իդրուբարին ապա մենք գտնում ենք հիւանդ,
 իսկ Էա-բանին՝ մեռած. իւր ընկերոջն կենդա-
 նացրնելու, իսկ իրան առողջացրնելու համար՝ նա
 ստիպւած է որոնել իւր պապ Պիր-Նապիշտին,
 որին մահն երբեք չէ վստահանում մերձենալ:
 Երկար թափառելուց յետոյ նա վերջապէս հաս-
 նում է Պիրի բնակարանն եւ նորա միջոցաւ ա-
 ռողջանում: Ծերունին պատմում է ջրհեղեղի
 զրոյցն, նաև շինելն եւ իւր փրկւելն ընդհանուր
 կորստից: Ապա առողջացած դիւցազնն վերա-
 դառնում է Երեխ եւ ստանում իւր ընկեր Էա-
 բանին¹:

Պարսից, Հայոց եւ Բաբելացոց աստե-
 շային աւանդութեանց փոխադարձ կապը ան-
 կասկած է: Իրաւամբ ենթադրելով, որ իրանց
 աստեղագիտութեամբ հռչակւած Սումմեր եւ

աստիան է Venus մոլորակին. իցէ այս անունից է ծագել
 հնդ-եւրոպական «աստղ», — ἀστήρ, ستاره, stella բառն:

¹ Ամբողջ վէպը բաղկացած է 12 տախտակներից եւ
 պատկանում է Ասուրբանիպադի (688—626) գրադարանին,
 գտնւած է 1854 թ. Նինուէլում:

Ակկադ ազգերի մէջ է պտրելու երկնային լուսատուների պաշտամունքի նախահայրենիքն, սակայն խոստովանելու ենք, որ ոչ մի աղբիւր, գրաւոր կամ բանաւոր, տակաւին չէ պարզած Բաբելոնի եւ Տնդ-եւրոպական ազգերի մութ յարաբերութիւնները:

Ահաւասիկ Մհերի աւանդութեանց հնագոյն աղբիւրներն: Անտարակոյս, ժամանակի ընթացքում նոքա քայքայուել են եւ մեզ հասել միայն շնչին քանակութեամբ, այն եւս բաւական աղաւաղած: Նոցա կապն Գաւթի վիպական զրոյցների հետ միանգամայն արեւստական է եւ տեղի է ունեցել վերոյիշեալ աստեղային առասպելի ազդեցութեան ներքոյ, որ դեռ հնումն կ'երգէին երգիչք Գողթան գաւառի: Երկու ազգային հերոսներն բնաւ տարբեր են միմեանցից իրանց բարոյական նշանակութեամբ. Մհեր պատկանում է առասպելի, Գաւթ՝ պատմութեանն. Մհեր մենամարտում է երկնային աստեղց հետ, Գաւթ՝ հայրենեաց թշնամիների հետ. Մհեր իւր անմահութեամբ մտնում է դից շարքը, իսկ Գաւթի համբաւն կազմում է իւր ազգի փառքն:



Բ Ո Վ Ա Ն Դ Ա Կ Ո Ւ Թ Ի Ւ Ն

Յառաջարան	41
Ա. «Հայ ասողները»	4
Բ. Դիցազնական արամեոլոգիանց արուեստական կողմը	6
Գ. Տեղական մշակման ազդեցութիւնը	10
Հայ ժողովրդական դիցազնական վէպի բովանդակութիւնը (Սանասար եւ Աւի մելիք Բաղդասար)	11
Մեծ Մներ	13
Փոքր Մներ	26
Հայ դիցազնական վէպի պատմական սերմն	31
Դաւթի արամեոլոգիանց ծագումը. Կերոսի բուն հայրենիքն, անճնաւորութիւնն եւ անունն. նորա բարոյական տիպարը	38
Մերի առասպելն	56


ԱՉԳԱՅԻՆ ՄԱՏԵՆԱԳԱՐԱՆ

- Ա. Գալէմքեարեան Հ. Գրիգորիս Վ., Ուսումնասիրութիւնք Լեհաստանոց դատաստանագրոյն: 1. ՊիշնՖ, Լեհաստանոց հին իրաւունքք: 2. Գոլէր, իրաւունք Հայոց: 1890: 8° Երես՝ 85+59: Փր. 1.25
- Բ. Մեմէվիշեան Հ. Գաբրիէլ, Ազգաբանութիւն ազնուական զարմին Տիւզեանց. (պատկերագրող): 1890: 8° Երես՝ 50: Փր. 1.—
- Գ. Տաշեան Հ. Յակովբոս, Ազաթանգեղոս առ Գէորգայ ասորի նպիկոպոսին եւ ուսումնասիրութիւն Ազաթանգեղեայ գրոց: 1891: 8° Երես՝ ԺԱ+159: Փր. 1.25
- Դ. Դեմետրիոս Տաճի Արեւելեան Հայր Ի Պուրովինա: Թրգմ. Հ. Գ. Վ. Գալէմքեարեան: 1891: 8° Երես՝ 79: Փր. —.85
- Ե. Տաշեան Հ. Յակովբոս Վ., Ուսումնասիրութիւնք Ստոյն-Կալիստենեայ վարոց Աղեքսանդրի: 1892: 8° Երես՝ Դ+272: Փր. 3.—
- Զ. Ալաէր Տըվիէ եւ Գ. Փիսոն, Ուղեւորութիւն Ի Փոքր Ասիա: Թրգմ. Հ. Յ. Վ. Տաշեան: 1892: 8° Երես՝ 82: Փր. 1.—
- Է. Մառ Նիկ., Ամսոնային ուղեւորութիւնից զէպ Ի Հայս: Թրգմ. Մաթթիոս Անփեան: 1892: 8° Երես՝ 89: Փր. 1.25
- Ը. Գաբրիէր Ա., Նորագոյն աղբերք Մովսիս Խորենացոյ: Հտ. Ա.: Թրգմ. Հ. Յ. Վ. Տաշեան: 1893: 8° Երես՝ Ժ+51: Փր. 1
- Թ. Գալէմքեարեան Հ. Գրիգորիս Վ., Պատմութիւն հայ լրագրութեան: Հտր. Ա. 1794—1860: (1 տասնկարով): 1893: 8° Երես՝ 232: Փր. 2.50

- ժ. Կոմիտիի Փր. Կ., Դննութիւնը զրոց Դաւթի Անյողթի: Քրգմ. եւ յաւ. է. 8. Վ. Տաշեան: 1893: 8° Երես՝ է + 92: Քր. 1.25
- ժԱ. Գովրիկեան է. Գրիգոր Վ., Հայք յՆդիասրեթուպոլիս Դրանսիումիոյ 1680—1779: (1 զընկատիւ.) 1893: 8° Երես՝ ժ + 533: Քր. 4.50
- ժԲ. Խաչաթեան Գր., Ջննոց Գլակ, Նամեմատական ուսումնասիրութիւն: 1893: 8° Երես՝ 78: Քր. 1.—
- ժԳ. Տէր-Մովսիսեան Փարսադան, Հայ գիւղական տունը: Քրգմ. է. Բ. Վ. Պիլգիկճեան: (6 տախտակ 55 պատկ.): 1894: 8° Երես՝ 103: Քր. 2.—
- ժԴ. Գարիկեան Ա., Նորագոյն աղբերք Մովսիսի Խոսեանացոյ, Հտր. Բ. կամ Յաւելուած: Քրգմ. է. 8. Վ. Տաշեան: 1894: 8° Երես՝ ժԱ + 43: Քր. 1.—
- ժԵ. Տաշեան է. 8. Վ., Ուսումնասիրութիւնը Նայերէն փոխանեալ քառից: Ա. է. Հիւլլման, Սեմական փոխանեալ քառեր ՚իմ Նայերէնի մէջ: Բ. Փրոքէման Գ., Յունական փոխանեալ քառեր Նայերէնի մէջ: Գ. է. Հիւլլման, Հայկական Յատուկ անունը: 1894: 8° Երես՝ 9 + 145: Քր. 2.—
- ժԶ. Տաշեան է. Յակովբոս Վ., Մատնագրական մանր ուսումնասիրութիւնը: Հտր. Ա.: Ա—Ջ: Ա. Նեմեսիոս: Բ. Պրոկղ Դիագոխոս: Գ. Խոսրովիկ: Դ. Գիրք Հերձուածոց կամ Եպիփան: Ե. Պրոկղ: Ջ. Սեղունզոս Իմաստասէր: 1895: 8° Երես՝ ժԲ + 294: Քր. 3.60
- ժԸ. Տաշեան է. Յակովբոս Վ., Հայկական աշխատասիրութիւնը Նայագէտ Պ. Փէթթէրի, Ի մի ամիոփուած եւ Թարգմանուած Նանդերձ ծանօթութեամբը: 1895: 8° Երես՝ 202: Քր. 2.50
- ժԸ. Տիարեան Կ., Սեւ Ժովու ուսական եզերքը: 1895: 8° Երես՝ 192: Քր. 2.—
- ժԹ. Գովրիկեան է. Գրիգոր Վ., Դրանսիումիոյ Հայոց Մետրապոլիսը կամ Նկարագիր Կերւա Հայաքաղաքի Ի գիր եւ Ի պատկերս: 1896: 8 Երես՝ թ + 352: Քր. 3.60
- Ի. Տաշեան է. Յակովբոս Վ., «Վարդապետութիւն ատարկոց» անվանեալ կամոնաց մատնանը. Քուղթ Յակոբայ առ Կողբատոս եւ Կանոնը Քաղզէի: 1896: 8° Երես՝ թ + 442: Քր. 6.—

- իւ. Տոմարէկ Վ., Սասուն եւ Տիգրիսի աղբերաց սամանները: Պատմական եւ տեղագրական հետազոտութիւն: Մասն Առաջին՝ Պատմական տեղեկութիւնք Սասնոյ վրայ: Թրգմ. Հ. Բ. Պիլեգիկեան: 1896: Տ. Երես՝ է+62: Ֆր. 1.—
- իբ. Կարրիէր Ա., Արգարու գրքոց Մոսկու Խորենացոյ Պատմութեան մէջ: Թրգմ. Հ. Գարրիէի Վ. Մէնէվիչեան: 1897. 8° էջ ԺԶ+107: Ֆր. 1.50
- իգ. Եովնանեան Հ. Ղ., Հետազոտութիւնք նախնեաց ոսմկորէնի վրայ: Ուսումնասիրութիւնք եւ քաղութներ: Մասն Ա. Ռամկորէն մատնագրութիւնք: Տետր Ա: 1897, 8° էջ Ը+272: Ֆր. 4.—
- իդ. Եովնանեան Հ. Ղ., Հետազոտութիւնք նախնեաց ոսմկորէնի եւն: Տետր Բ: 1897: 8° էջ Ա—Ը+273—522: Ֆր. 3.—
- իե. Գեյգեր Հ., Համառոտ պատմութիւն Հայոց: Թրգմ Հ. Գր. Վ. Գալէմբարեան: Յաւելումք Թարգմանչին 1. Յանկ 1895—1897 Հայոց կոտորածներու առթիւ լոյս տեսած գրքերու: 2. Կաւազանագիտք Կաթողիկոսաց եւ Պատրիարքաց Հայոց: 1897 8° էջ Ը+130: Ֆր. 1.50
- իզ. Մեմէվիչեան Հ. Գարրիէի Վ., Գիրք (կամ յօդուած) գրելու արուեստը: Նորու հեղինակներու ուղղեալ քանի մը կարելորակնարկութիւնք: Յաւելում՝ Գիրք կարգալու արուեստը: 1898: 8° էջ է+123: Ֆր. 1.25
- իւ. Խաչաթեան Գր., Մ. Խորենացու նորագոյն աղբիւրների մասին քննադատական ուսումնասիրութիւնք: 1898: 8°, 56 էջ: Ֆր. 1.—
- իլ. Տաշեան Հ. Յ., Ակնարկ մը հայ նագրութեան վրայ: Ուսումնասիրութիւն Հայոց գրութեան արուեստին: (10 զնկատիւ պատկերով): 1898: 8° ԺԱ+202 էջ: Ֆր. 2.50
- իթ. Գաղբաշեան Յ., Փաւտոս Բիզանդացի եւ իր պատմութեան խարդախողը: Մ. Խորենացու աղբիւրների ուսումնասիրութիւն: 1898, 8° 175 էջ: Ֆր. 2.50
- լ. Մսերեան Լ., Հայերէն բարբառաբանութիւն: Թրգմ. Ի ուսերէնէ Հ. Գ. Վ. Մէնէվիչեան: 1899, 8° Երես՝ է+26: Ֆր. —.50

- 1Ա. Զօսէան Հ. Յ., Հայքի Զմիւնսիա եւ ի շրջա-
 կայս: Հատոր Ա. Զմիւնսիա եւ Հայք. (պատկե-
 րագարդ:) 1899: 8° Երես՝ ԺԲ+369: Փր. 5.—
- 1Բ. Զօսէան Հ. Յ., Հայքի Զմիւնսիա եւ ի շրջա-
 կայս: Հատոր Բ. Զմիւնսիոյ վիճակին զիտարո
 քաղաքներն եւ Հայք. (պատկերագարդ:) 1899:
 8° Երես՝ ԺԿ+161: Փր. 2.50
- 1Գ. Դովրիկեան Հ. Գրիգոր Վ., Հայք յեղիսարե-
 թուարկիս Դրամսիրումսիոյ. Բ. Հատոր 1780—1825.
 (1 զնկատիւ:) 1899: 8°. Երես՝ ԷԿ+558: Փր. 5.—
- 1Դ. Գազանձեան Ե., Եւզոկիոյ Հայոց զաւասարա-
 քաոց: 1899: 8° Երես՝ ԷԿ+124: Փր. 1.—
- 1Ե. Կարիէր Ա., Հեթանոս Հայաստանի ութ մեհան-
 ներն Ազաթանզեղոսի եւ Մ. Խորենացոյ համե-
 մատ: Քրգմ. Հ. Յակովբոս Վ. Տաշեան: (1 աշխար-
 հգրն տախտակով:) 1899: 8° Երես՝ 48: Փր. —.70
- 1Զ. Տաշեան Հ. Յ., Ժողովածոյ ատակաց Վարդանայ,
 զստ Ն. Մանի, տեղեկատուութիւն եւ քաղուածք-
 ներ: 1900: 8° Երես՝ ԺԱ+198: Փր. 2.50
- 1Է. Տաշեան Հ. Յ. Մատենագրական Մանր Ուսում-
 նասիրութիւնք. (տես ժ.Զ:) Մասն Բ: Է-Ժ. Խիկար
 եւ իւր իմաստութիւնն, Ազապետոս եւ իւր Յոր-
 դրականք առ Յուստինիանոս, Քղթակցութիւն
 Արզարու եւ Քրիստոսի զստ Նորագիտ արձանա-
 գրութեանն Եփեսոսի, եւ Գէորգայ Պիտրոսայ Վեց-
 օրեայք: 1901: 8° Երես՝ ԺԲ+388: Փր. 4.50
- 1Ը. Գր. Տէր-Պօղոսեան, Նկատողութիւններ Փաւս-
 տոսի Պատմութեան վերաբերեալ: 1901: 8° Երես
 ԸԿ+110: Փր. 1.50
- 1Թ. Վէրէր Գր. Սիմոն, Արարաոց Ս. Գրոց մէջ:
 Քրգմ. Հ. Բանարաս Վ. Պիլէգիկճեան: 1901: 8°
 Երես՝ ԾԿ+77: Փր. 1.—
10. Սամտալճեան Եովսէփ Վ., Ատրեստանեայ
 եւ Պարսիկ սեպագիր արձանագրութիւնք կամ
 նոցին քաղուածք որոնք Նաիրի-Ուրարտու աշխար-
 հն պատմութեան կը վերաբերին: 1901: 8
 Երես՝ 262: Փր. 4.50
- 10Ա. Խաչաթեանց Բագրատ, Հայ ժողովրդական
 զինգագական վէպը: 1903: 8° Երես՝ ԸԿ+72: Փր. 1.—



ՀԵՂԻՆԱԿԻ ԱՇԽԱՏՈՒԹԻՒՆՆԵՐԸ

ԳՐԱՆ Է

- | | |
|---|----------|
| 1. Տասնիններորդ դարի կտակը (1899) Տփղիս | 15 կողմ. |
| 2. Թըրթըր Գառիթ և Մհեր (1899) Էջմիածին | 40 " |
| 3. Общий очеркъ армянскаго богатырскаго
Эпоса (Юбилейный Сборникъ въ честь
Всев. Миллера. 1900 Москва | — |
| 4. Иранскіе герои въ средѣ армянскаго на-
рода (оттискъ съ XLV кн. Этногр.
Обозр. 1900 | — |
| 5. Իրանի հերոսները հայ ժողովրդի մէջ. Պարիս | 50 " |
| 6. Die armenische Heldensage. Berlin 1902 | 50 " |
| 7. Իր կարծիք հայ նախարարութեանը ծագ-
ման մասին. Պարիս 1902 | 50 " |
| 8. Die neuere armenische Litteratur. Berlin | — |
| 9. Ueber den Ursprung der armenischen
Fürstenthümer | 50 " |

Շուտով լոյս կը տեսնի «Պատմութիւն Ռուսարմա-
տէրութեան» :

Յանկարգովները գիտելու էն՝

Dr. Bagrat Chalatzianz

Berlin (Deutschland), Charlottenburg

Kantstrasse Nr. 94.

